

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA GRAČANICA
GRADSKO VIJEĆE

Broj predmeta: 01-05-04744-2019
Broj akta: 01EN-001
Gračanica, 19.12.2019.. godine

Z A P I S N I K
SA 6. SJEDNICE GRADSKOG VIJEĆA GRADA GRAČANICA

Održane dana 30.10.2019.godine u Sali za sjednice nove zgrade Grada Gračanica sa početkom u 11,00 sati.

Sjednici je prisustvovalo 29 članova Vijeća.

Odsutan je bio vijećnik Džananović Mirza.

Pored članova Gradskog vijeća sjednici su prisustvovali: Gradonačelnik Nusret Helić, Gradski pravobranilac Imširović Jasminka, šefovi službi za upravu, član Etičke komisije Jogunčić Mersiha, te predstavnici sredstava informisanja.

Sjednicu je otvorio i istom predsjedavao Krajinović Nihad, Predsjedavajući Gradskog vijeća Gračanica, zajedno sa zamjenikom Devedžić Almedinom i sekretarom Tukulj Dženanom.

Zapisnik vodio Iljazović Hazim, a vršilo se i tonsko snimanje sjednice.

Zapisnik sa 5. Sjednice Gradskog vijeća Gračanica usvojen je jednoglasno.

Krajinović Nihad, Predsjedavajući Gradskog vijeća je elaborirao prispjele odgovore na vijećnička pitanja i inicijative:

Na 05.sjednici Gradskog Vijeća Gračanica upućena su 3 pitanja i 10 inicijativa.

Pristigli odgovori su slijedeći :

Vijećnik **Fadil Mešić** inicirao je sanaciju oštećenog dijela puta prema MZ Malešići u kamenolomu. Iz nadležne službe odgovaraju kako su već ranije poduzete aktivnosti na sanaciji navedenog puta, te kako se očekuje u narednom periodu i realizacija ovog projekta.

Vijećnik **Vahidin Smajlović** ponukan vidljivim širenjem korova ambrozije na javnim prostorima širom teritorije Grada Gračanica, upitao je da li se poduzimaju aktivnosti na njenom suzbijanju obzirom na posljedice koje ovaj korov uzrokuje. U odgovoru nadležne službe precizirane su nadležnost i adrese subjekata za ovu problematiku ali i navedeno kako će se u narednoj godini dati veći doprinos lokalnog nivoa na sprečavanju širenja i uništavanja ambrozije.

Odgovorom na inicijativu vijećnika **Osmana Sulejmanovića** za pristupanju osiguranja novca za dovršetak SC Bazena, mogu se smatrati neformalni razgovori s gradonačelnikom i radovi koji već traju na vanjskom uređenju dvorane.

Kolega **Demir Milkić** uputio je inicijativu za izmjenu Odluke o javnoj rasvjeti s ciljem produžavanja termina rada javne rasvjete u gradu. Iz nadležne službe odgovoreno je kako je iznos potrebnih sredstava znatno veliki i da se može osigurati samo kroz Budžet Grada.

Edin Ibrisević uputio je 2 inicijative na koje su pristigli odgovori, a u kojima se navodi slijedeće. Osigurati će se obilazak i prisustvo policije u blizi srednjih škola odgovor je na jednu, dok se na drugu inicijativu reagovalo odmah s izlaskom na teren i uklanjanjem 2 manje deponije otpada u Lendićima. Treću ujedno i veću deponiju nije moguće brzo i jednostavno sanirati ali će se njenom uklanjanju pristupiti s osiguranjem uslova.

Vijećnik **Adnan Muslimović** uputio je 2 inicijative i 1 pitanje na koje su stigli odgovori. U inicijativi navedeno klizište u MZ Gornja Orahovica registrovano je ranije o čemu je sačinjen izvještaj i plan sanacije kojem će se uskoro pristupiti. Za sanaciju mosta na rijeci Spreči usmeni odgovor dao je gradonačelnik na prethodnoj sjednici a pismeno se oglasila i službena Općina Petrovo. Na pitanje o stanju hemodijaliznog centra u općoj bolnici „dr. Mustafa Beganović“ stigao je pismeni odgovor sa navedenim traženim podacima.

Vijećnik **Edin Šehić** kroz 3 inicijative predložio je sanaciju mosta Malta na što je usmeno odgovorio gradonačelnik također na prethodnoj sjednici vijeća, dok su na preostale dvije pristigli pisani odgovori. U njima je navedeno da se pristupilo evidentiranju prirodnih prepreka i obilježja uz saobraćajnice te sačinjavanju plana njihovog uklanjanja. O broju rasvjetnih tijela, utrošku sredstava za iste i terminima rasvjete dostavljen je tabelarni prikaz.

Vijećnik **Dino Dedić** inicirao je pokretanje aktivnosti na uvođenju naplatnog šaltera za usluge građana u šalter sali Gradske uprave. Tome se pristupilo na način da su poduzete aktivnosti i obavljani razgovori o uslovima postavljanja istog.

Vijećnik **Hasan Puškar** ponovio je zahtjev za sanaciju dijela magistralnog puta, skretanje za Gornju Miričinu. Iz Policijske uprave Gračanica odgovorili su kako je odaslan dopis JP Ceste FBiH te kako su na pomenutoj dionici postavljeni znaci za upozorenje na oštećenja kolovoza.

Ako ste pomno pratili, mogli ste primjetiti da su odgovori stigli na sva upućena pitanja i inicijative.

Nihad Krajinović, Predsjedavajući Gradskog vijeća Grada Gračanica, pročitao je saopćenje u ime svih gradskih vijećnika:

“Poštovani gradonačelniče sa saradnicima, članovi ekološko sportsko ribolovnog društva „Drijenča“ Gračanica, građani.

Nedavno smo od članova ekološko sportsko ribolovnog društva „Drijenča“ Gračanica obaviješteni da je došlo do novog onečišćenja rijeke Spreče i pozvani od strane istog da damo podršku i pomoć s ciljem rješavanja ovog možda sada već i više decenijskog ekološkog problema.

Gradsko vijeće

Gračanica stoga se obraća relevantnim institucijama i javnosti saopćenjem slijedeće sadržine:

“Svjesni razmjera i posljedica problema, vijećnici Gradskog vijeća Gračanica daju punu podršku društvu “Drijenča”, Gradskoj upravi Gračanica i svim ostalim institucijama i organizacijama koje mogu dati svoj doprinos, da se zaustavi ili bar umanjí zagađenje kojem svjedočimo kontinuirano. I do sada su članovi ovog i prethodnih saziva Gradskog vijeća davali nesebičnu podršku u okviru svojih nadležnosti i nećemo odustati od borbe za zdravu životnu sredinu jer su ugroženi životi naših sugrađana.

Stoga, Gradsko vijeće Gračanica poziva sve relevantne subjekte da hitno poduzmu potrebne radnje u njihovoj nadležnosti kako bi se konačno stalo na put najtežeg oblika ugrožavanja života u Tuzlanskom kantonu nizvodno od jezera Modrac i samovolji i interesima domaćeg i međunarodnog kapitala u našoj zemlji.

Ni u jednom trenutku nismo niti ćemo sporiti industrijski i ekonomski razvoj zemlje ali on ne smije rezultirati povećanim brojem oboljelih od najtežih bolesti pa čak i povećanim brojem smrtnosti od istih.

Pozivamo i kolege susjednih općina koje gravitiraju rijeci Spreči da nam se pridruže u ovim aktivnostima i potvrde da se pokazatelji negativnog uticaja zagađenja Spreče ne odnose samo na živote građana Gračanice“.

Komentar na pristigli odgovor, Hasan Puškar:

„Već sam uputio dvije inicijative da se izvrši sanacija skretanja za Gornju Miričinu na magistralnom putu M-4 Doboju-Tuzla i kako sam ja sad dobio odgovor, ovdje je odgovor iz mjeseca aprila koja je uputila PU Gračanica. Kažu da je neko postavio saobraćajne znakove, saobraćajni znak kolotraza u pravcu kretanja od Doboja prema Tuzli su bili postavljeni i prije ali to nema nikakve veze sa skretanjem za Gornju Miričinu jer tu prijeto opasnost iz pravca Tuzle, a ste strane nema nikakvog upozorenja, da postoje kolotrazi da bih neko smanjio brzinu kretanja, da je ograničio na neku opasnost na putu kao što je znak uzvičnik ne utvrđena opasnost itd, itd. Zato sam osim PU Gračanica uputio dopis inspekcijama nadležnim i Federalnim direkcijama za ceste i niko nije našao za shodno da odgovori a kamoli da nešto poduzme. Ja ponovo skrećem pažnju, svaki dan sam učesnik u saobraćaju, svaki dan sam za volanom, svaki dan obučavam kandidate kroz svoj posao i ponovo zahtijevam da se odmah poduzme nešto dok nije došlo do ishoda sa smrtnim slučajem, a tu će se 100% desiti nešto. Evidentno je da iz pravca Tuzle se brzo vozi i tu je nemoguće dobrim vozačima izaći bezbjedno, a sad zamislite kako je izaći kad vi skrećete prema Tuzli. Zahtijevam kao gradski vijećnik da se podhitno poduzme nešto, ili da se izvrši sanacija ili da se odgovorni kazne za ne izvršavanje svog posla. Ja poznajem dobro Zakon o osnovama i bezbjednosti saobraćaja i znam da postoji sankcija za ne izvršavanje. Znači da se kazni odgovorno i pravno lice, svi se mogu kazniti ukoliko ne rade svoj posao. Znači zahtijevam ne samo u Miričini, da neko izađe ispred Općine služba, inspektor ili neko da izađe sve te izlaze opasne po građane da evindetiraju i da se izvrši sanacija. Ako se mi budemo ovdje dopisivali sa dopisom iz mjeseca aprila koji ja evo već treći ili četvrti put izlazim i podvlačim a još niko ništa nije uradio. Nije postavljen ni saobraćajni znak a kamoli da izvrše sanaciju, a ulazimo u zimski period gdje građevinski radovi staju, kad se misli izvršiti sanacija. Znači zahtijevam kao gradski vijećnik da se nešto poduzme, ili da se izvrši sanacija, ili da se obilježi propisanim saobraćajnim znacima.“

Nova pitanja i inicijative postavili su vijećnici:

Nermina Alihodžić:

„Podjelom roze trakica kolegica Nejra Hadžić i ja željeli smo da obilježimo mjesec borbe protiv karcinoma dojke i s tim u vezi imamo danas jednu inicijativu.

Pokretanje aktivnosti na obilježavanju međunarodnog mjeseca borbe protiv karcinoma dojke u sklopu kojeg će na području grada prigodnim manifestacijama biti obilježen „Dan roze trake“ u saradnji sa JZU Dom zdravlja Gračanica, udruženjima žena i dr.

Obrazloženje:

Mjesec oktobar je međunarodni mjesec borbe protiv karcinoma dojke. Karcinom dojke je vodeći uzrok obolijevanja i umiranja od malignih bolesti u ženskoj populaciji širom svijeta. različitim manifestacijama i aktivnostima nastoji se potaknuti i povećati svijest ženske populacije o učestalosti i težini ovog oboljenja, značaju prevencije važnosti ranog otkrivanja i liječenja raka dojke, koji je najčešće zloćudni tumor kod žena, ali od kojeg obolijevaju i muškarci.

U Evropskim zemljama svake dvije minute se otkrije jedan slučaj karcinoma dojke dok svakih šest minuta zbog bolesti umre jedna žena.

U BiH godišnje od karcinoma dojke oboli oko 1600 žena, a 800 ih izgubi borbu za život. Ova bolest prijete sve većem broju žena a tome pridonosi mala ili nedovoljna informisanost i neredovni pregledi.

U cilju skretanja pažnje javnosti, prvenstveno žena o važnosti i značaju ranog i blagovremenog otkrivanja bolesti, tražimo da s ena području Grada Gračanice prigodnim manifestacijama i aktivnostima obilježi dan „Dan roze trake“ (mjesec oktobar).

U sklopu obilježavanja dana predlažemo slijedeće aktivnosti:

- Mirna šetnja gradom simbolično „5 do 12 h“,
- Štand za zdravstveno – edukativnim materijalom,
- Podjela roze traka,
- Edukativna predavanja – okrugli stolovi.

Sve aktivnosti koje bi se sprovele imale bi za cilj podstaknuti žene da redovno obavljaju preventivne preglede, jer je to najbolji način da se bolest dijagnosticira na vrijeme.

Prevenciji bilo kojeg oblika karcinoma treba posvetiti svih 365 dana u godini jer je šansa za izlječenje rano otkrivenog tumora iznad 85 %.

Obilježavanjem mjeseca odnosno dana borbe protiv karcinoma dojke ali i svih drugih oblika karcinoma je jedina inicijativa pod kojom cijeli svijet može da se udruži u borbi protiv globalne epidemije raka.

Zašto bi Grad Gračanica bila izuzetak?“

Edin Ibrišević:

„Pitanje upućujem Gradonačelniku gospodinu Nusretu Heliću dokle se stiglo sa inicijativom Općinskog vijeća, a danas Gradskog vijeća o osnivanju Opštinskog fonda za pomoć u liječenju teško oboljelih sugrađana?

Obrazloženje:

Nažalost bolesti ne posustaju i često liječenje zahtijeva velika finansijska sredstva koja većina građana nije u stanju da obezbijedi putem svojih primanja, te osnivanje jednog ovalvog fonda bi bilo neophodno kako bi oboljelim sugrađanima teško zdravstveno stanje makar na ovaj način olakšali.

Vijećnička inicijativa:

Vijećničku inicijativu upućujem Federalnoj direkciji cesta da u naselju Stjepan Polje na magistralnom putu Dobojski-Tuzla obnovi horizontalnu signalizaciju pješačkog prelaza na ulazu u Stjepan Polje.

Obrazloženje:

Veliki broj građana a naročito učenika osnovne škole koristi ovaj pješački prelaz. U cilju veće bezbjednosti neophodno je obnoviti pomenuti pješački prelaz“.

Alen Ibrišević:

„Inicijativu upućujem Gradonačelniku, a inicijativa se odnosi na izgradnju javne rasvjete u naselju Bijela Polja u Gračanici.

Obrazloženje:

Naselje Bijela Polja u Gračanici već dugu niz godina nema izgrađenu javnu rasvjetu. Rasvjeta je postojala u jednom dijelu ovog naselja ali je prilikom rekonstrukcije elektro mreže prije nekoliko godina ista uništena i nikada nije popravljena. U neposrednoj blizini ovog naselja nalazi se i dječije selo, te stanovnici smatraju da je radi sigurnosti njih ali i djece koja se nalaze u pomenutom selu neophodna izgradnja rasvjete.

Inicijativu upućujem Gradonačelniku, a inicijativa se odnosi na izradu projekta uređenja izletišta Ratiš.

Obrazloženje:

Izletište i dovište Ratiš ima veoma dugu tradiciju te se godinama na ovom prostoru okupljaju stanovnici istočnog dijela našeg Grada, ali i drugih općina koje graniče sa našim Gradom. Nažalost navedeno izletište nije uređeno, te smatram da bi u narednom periodu Grad trebao napraviti Projekat uređenja ovog izletišta i dovišta, a da se nakon toga u skladu sa finansijskim mogućnostima uradi i uređenje istog“.

Hadžić Mirsad:

„Postavljam dva vijećnička pitanja i očekujem hitan odgovor s obzirom na urgentnu situaciju na terenu.

Prvo pitanje:

Kako iznaći način za hitno snabdijevanje mještana podružnica devedžije i delići u mjesnoj zajednici Lukavica jer je situacija u tom dijelu sa snabdijevanjem vode alarmantna i mi u Vijeću mjesne zajednice trpimo strašan pristisak mještana. Ovdje moram napomenuti da je voaodnsabdijevanje u samom centru MZ katastrofalno i da ovih dana nema vode i redukcije su po 20 sati. Pa postavljam pitanje da se vidi dokle je došlo sa povezivanjem sa Doboju istokom ako ne da se iznađe način da probamo sa još jednom bušotinom u MZ i da se angažuje struka da probamo na taj način, a bio bih sretniji kad bih se uspjelo riješiti pitanje sa Doboju Istokom.

Drugo pitanje odnosi se na asfaltiranje nezavršenog dijela puta u podružnici Prnjavor koji je asfaltiran nakon klizišta u maju 2014. godine i koji je ostao nezavršen u dužini od oko pedeset metara i to u dijelu koji je za putnička vozila gotovo neupotrebljiv. Prošlo je oko pet godina od polaganja asfalta a ovaj dio niko ne završava niti nam se daju pojašnjenja što su razlozi. Mještani su mišljenja da ni jedan razlog nije opravdan da pet godina nije asfaltiran dio koji je eventualno bio sporan.

Ovim putem se obraća oko 1.500 građana i ako je on u sporu oni traže da se barem u narednom periodu kad budu radovi asfaltiranje puta u MZ Lukavica da se asfaltira jedna traka do rješavanja sporedne.

Očekujem i usmeno i pismeno pojašnjenje koje ću iznijeti na Vijeću Mjesne zajednice Lukavica jer sam na to obavezan“.

Edin Šehić:

„Na osnovu člana 23. i 46. Statuta Grada Gračanica, upućujem vijećničko pitanje:

Koliki je stvarni utrošak električne energije za javnu rasvjetu, pojedinačno za svaki mjesec u periodu 01.01. – 31.08. 2019. godine?

Obrazloženje:

Tragom vijećničkog pitanja sa 5. sjednice Gradskog vijeća Gračanica i dobivenog odgovora od nadležne službe gradske uprave, nisu dostavljene kompletne tražene informacije, tačnije nisu dostavljene informacije o stvarnom utrošku električne energije po mjesnim

zajednicama, za svaki mjesec pojedinačno, čime upućujem ponovo vijećničko pitanje predsjednicima Vijeća mjesnih zajednica, za dostavu traženih informacija!

Prijedlog tabele za dostavu traženih informacija po svakoj mjesnoj zajednici (uključujući i MZ Gračanica).

R.br.	Mjesec/godina	Stvarni utrošak el.en. za javnu rasvjetu (KM)

Na osnovu člana 23. i 46. Statuta Grada Gračanica, upućujem vijećničko pitanje:

Da li je planirana certifikacija Grada Gračanice za BFC certifikat-povoljno poslovno okruženje?

Obrazloženje:

Uzimajući u obzir činjenicu da Grad Gračanica nosi epitet „od posla čaršija“, neshvatljiva je činjenica da općine/gradovi okruženja, od skora i Maglaj, dobijaju BGC certifikat, dok Gračanica to nema. Koliko je poznato, Gračanica je bila pokrenula proceduru vezano za ovu certifikaciju, ali je od iste odustala ili šta već...Iz navedenog tražim više informacija u vezi postavljenog pitanja“.

Na osnovu člana 23. i 46. Statuta Grada Gračanica, upućujem vijećničku inicijativu:

Da se prilikom odabira i potpisivanja dokumentacije sa izvođačem zimskog održavanja puteva na području Grada Gračanica, dakle svih mjesnih zajednica izričito traži od izvođača zimskog održavanja puteva, da svoje izvještaje dostavlja u roku od 10 dana po isteku mjeseca, na propisanim obrascima, a da se plaćanje po izvršenoj usluzi iz izvještaja vrši u roku od 7 - 10 dana po dostavljenom izvještaju.

Obrazloženje:

Uzimajući u obzir činjenicu da Grad Gračanica svake godine izdvaja veliki dio budžetskih sredstava na zimsko održavanje, te da uvijek rebalansom budžeta ta cifra u konačnici premaši očekivanja, smatram da zbog transparentnog i bolje kontrolisanog izdvajanja budžetskih sredstava za pomenutu namjenu, potrebno je uvesti jednu ovakvu praksu koju treba da sprovodi nadležna služba gradske uprave u koordinaciji sa predsjednicima vijeća mjesnih zajednica“.

Adnan Muslimović:

„Postoji li mogućnost za otvaranje izdvojenog odjeljenja obdaništa „Naša djeca“ Gračanica u Miričini?

Obrazloženje:

Mještani Mjesne zajednice Miričina obratili su se sa zahtjevom za otvaranjem obdaništa u pomenutoj mjesnoj zajednici. U prilogu dostavljam zahtjev sa peticijom roditelja“.

Hasan Puškar:

„Pokrećem inicijativu da se da naziv ulici koja se nalazi desno od ulice Muladedina, to je naselje Čiriš, ili da se na drugi način obilježi (istim nazivom sa brojem kuća). Trenutno nema naziva ulice i otežano je uručivanje pošte i slično.

Znači ima ulica Muladedina to je prema Širbegu dole, a desno tamo pored mezarja ona nova ulica što ima, ona nema nikakav naziv ili da se da naziv ulice ili da se kuće obilježe brojevima itd.Trenutno je nemoguće kada dolazi brza pošta ili neko“.

Almedin Devedžić:

„Ja samo želim ovdje da se zahvalim Federalnoj direkciji za puteve koja je napokon evo riješila jedan gorući problem koji tišti građane zapadno Trebavskog dijela ove općine posebno građane MZ Lukavica, Lukavica Rijeka i dalje dole prema Sjenini i Doboju i što se napokon evo ovih dana završava raskrsnica sa kojom se regionalna cesta Lukavica - Sjenina uključuje na magistralnu cestu Doboju-Tuzla. Drago mi je što je napokon i moje inicijative koje su bile u predhodnom periodu nadam se jednim dijelom urodile plodom obzirom da je izlazila i saobraćajna inspekcija jer ranije rješenje nije bilo u skladu sa saobraćajnim propisima i dakle sada imamo jedan siguran izlaz na tu saobraćajnicu. Dakle, još jednom čestitam Federalnoj direkciji na uspješno završenom projektu“.

Nihad Krajinović:

„Koji su razlozi ne potpisivanja ugovora sa lokalnim domovima zdravlja o pružanju usluga po programu prevencije karcinoma dojke tzv. mamografija?

OBRAZLOŽENJE:

Poznato je da karcinom dojke spada u vodeća oboljenja pa čak i uzročnike svake pete smrti u ženskoj populaciji na području Tuzlanskog kantona te da se s tim u vezi u cilju prevencije protekli niz godina uz angažovanost menadžmenta domova zdravlja, ljekara i medijske kampanje čine napori na stvaranju uslova za rano otkrivanje i suzbijanje ove opake bolesti.

Nabavkom rendgentskog MR aparata (mamografa) za najučinkovitiji pregled dojki i otkrivanje karcinoma, JZU Dom zdravlja Gračanica osiguranim i licima kojima je po drugim osnovama dato pravo na ovu vrstu tercijalne zdravstvene zaštite olakšalo je i ubrzao testiranje ovom metodom.

Posljednje informacije do kojih smo došli nisu ni malo motivirajuće za građane jer se od nedavno ovakva vrsta usluge u Domu zdravlja Gračanica naplaćuje, obzirom da ZZO TK ne priznaje ovu uslugu većini lokalnih domova zdravlja na Tuzlanskom kantonu.

Stoga vas pitam zašto je ugovor o priznavanju usluge potpisan samo sa UKC Tuzla i Domom zdravlja Živinice kada između ostalih i dom zdravlja Gračanica posjeduje ovaj aparat. Pored toga odlazak u tuzlu na besplatno snimanje mamografije osiguranim licima s područja Gračanice predstavlja otežavajuću okolnost i finansijski trošak.

Ujedno Vas molim da razmotrite donesenu odluku na Javni poziv i istu izmijenite u korist osiguranih lica“.

Krajinović Nihad:

Nakon ovog dijela sjednice preći ćemo na dnevni red koji je utvrdio Kolegij Vijeća, a dnevni red glasi:

1. RAZMATRANJE I USVAJANJE NACRTA STATUTA GRADA GRAČANICA.

Izjavitelj: Hasan Puškar, Predsjednik Komisije

2. RAZMATRANJE I USVAJANJE NACRTA BUDŽETA GRADA GRAČANICA ZA 2020. GODINU.

Izjavitelj: Nusret Helić, Gradonačelnik

3. RAZMATRANJE I USVAJANJE NACRTA ODLUKE O NAČINU IZVRŠAVANJA BUDŽETA GRADA GRAČANICA ZA 2020. GODINU.

Izjavitelj: Nusret Helić, Gradonačelnik

4. RAZMATRANJE I USVAJANJE IZVJEŠTAJA O IZVRŠENJU BUDŽETA ZA PERIOD 01.01. – 30.09.2019. GODINE.

Izjavitelj: Nusret Helić, Gradonačelnik

5.DONOŠENJE RJEŠENJA O IMENOVANJU KOMISIJE ZA UTVRĐIVANJE PROMJENE VRIJEDNOSTI NEPOKRETNOSTI I PRAVA NA PODRUČJU

GRADA GRAČANICA.

Izjavitelj: Nusret Helić, Gradonačelnik

6.RAZMATRANJE I USVAJANJE IZVJEŠTAJA O REALIZACIJI AKCIONOG PLANA JAČANJA SOCIJALNE ZAŠTITE INKLUZIJE DJECE I ODRASLIH U OPĆINI GRAČANICA ZA 2018.GODINU.

Izjavitelj: Alma Buljubašić, Pomoćnik Gradonačelnika

7.RAZMATRANJE INFORMACIJE O UPRAVLJANJU PARKING PROSTOROM.

Izjavitelj: Aida Hodžić, Pomoćnik Gradonačelnika

Jednoglasno je utvrđen dnevni red i prešlo se na rad po dnevnom redu.

TAČKA 1

RAZMATRANJE I USVAJANJE NACRTA STATUTA GRADA GRAČANICA

Učesnici u diskusiji:

Džebo Senahid:

„Mislim da je ovo važan dokument da prođe tek ovako bez ikakve rasprave i to je malo neodgovorno s naše strane mada je on nacrt, faktički ovo je nacrt o kome će biti javna rasprava.Neki dijelovi koji su mene zanimali i puno je bilo rasprave kada smo radili izmjenu Statuta i evo nisam vidio da je išta uvaženo od toga pored onih izmjena koje smo donijeli ali prije toga znači one rasprave koje smo imali.Mene u članu 35 ovdje zanima,pa kaže Gradonačelnik u slučaju privremene odsutnosti ili spriječenosti obavljanja svoje dužnosti zamjenjuje uposlenik gradskog organa uprave,kojeg on ovlasti,ovo je dobro.Pa onda u narednom kaže u slučaju opoziva i načina i šta ja znam.Međutim svjesni smo situacija koje se sve dešavaju, šta ćemo u situaciji kada Gradonačelnik ne bude u mogućnosti da ovlasti ovog čovjeka, a Gradonačelnik je tu, a nije u mogućnosti.Ovamo su predvidjeli da se bira dvotrećinskom većinom ko će zamijeniti Gradonačelnika u slučaju opoziva. Međutim u slučaju ne daj bože bolesti nekakve, a čovjek je tu a ustvari nije tu da može ovlastiti.Trebali bi i tim članom da predvidimo šta i kako, da li će to neki šef od finansija ili će šef od neke službe nastaviti obavljati. Znači u koliko je spriječen i da ovlasti nekoga ili nije u mogućnosti da ovlasti i da li će ga neko zamijeniti ili će to ići na neki drugi način.Jer da nećemo doći u situaciju, ovo nam je prilika izmjene Statuta da napravimo nešto i da osiguramo način rada, a da predvidimo i mogućnosti koje se mogu dogoditi. Mislim da ovo ništa ne bih bilo sporno apsolutno u koliko evo i Gradonačelnik da bude predlagatelj toga pa da kaže evo na ovaj način u slučaju da ne budem ja bio tad u mogućnosti da kažem ko će me mijenjati ali da to ide po službenoj dužnosti.Mislim da nije ovo neozbiljno što govorim i treba da iskoristimo situaciju kad pravimo izmjene Statuta i da predvidimo sve mogućnosti koje se mogu desiti da ne bih smo zapali u nekakvu ne predviđenu situaciju. Što se tiče MZ, onaj ko nije radio u MZ teško mu je o ovim stvarima i razgovarati.Niz propusta ima na koje ćemo sigurno i kao članovi vijeća MZ i kao bivši predsjednici MZ dostaviti, a koliko će Komisija to uvažiti vidjet ćemo evo pred nama je al bih zamolio sve vijećnike da se aktivno uključe.Šta mi je još zasmetalo u članu 73, a to smo rekli prošli puta kad smo raspravljali o izmjenama Statuta.Gradsko vijeće ima pravo da poništi odluke vijeća MZ ukoliko se njima krši zakon. Mi smo ovdje svjedoci kako poznajemo zakon i kako se mi petljamo u svašta nešto pa će Gradsko vijeće doći ovdje i mi ćemo naglabati jeli to po zakonu,nije po zakonu, a tamo kaže da postoji odgovornost na predsjednicima vijeća MZ i da postoji odgovornost na vijeću MZ. Šta će nama onda i Vijeće

MZ, šta će nam i predsjednik Vijeća MZ u koliko ćemo mi ovdje doći i prema svojim navođenjima, odnosno neko drugi sutra ko bude izabran u ovo Gradsko vijeće jednostavno podignuti ruku uz nekakav dogovor i poništiti neke odluke MZ.“

Smajlović Vahidin:

„Vezano za nacrt Statuta Grada Gračanica slažem se sa kolegom Džebom da ovo zaslužuje našu diskusiju ali evo mi smo sve ove Odluke o izmjenama i dopunama Statuta Općine Gračanica donijeli na sjednici održane 18.11.2018.godine i uglavnom one su ovdje te Odluke izmjene dobivanjem statusa Grada Gračanica i znači moramo da prilagodimo ovaj naš Statut Općine Statutu Grada Gračanica.Mi smo u Klubu razmatrali ovaj nacrt Statuta Grada Gračanica i vidjeli smo tamo da donošene Odluke koje smo donijeli da su one tu uvedene u nacrt Statuta Grada Gračanica.Ima ovdje ono što je dodato vezano za forume građana što je tražio UNDP-i znači učestovanje građana u odlučivanju i rješavanju ovih lokalnih pitanja.Ovo je forma nacrta i mi svakako imamo vremena da ponovo dobro razmotrimo i ovim putem pozivam i nas vijećnike i MZ i sve političke organizacije, privredne subjekte i građane da uzmu učešće u ovoj javnoj raspravi i da na ove Odluke koje su prije donešene u izmjenama i da vidimo imali još nešto bitno što treba da ubacimo da bih Gračanica dobila statut kakav zaslužuje.Ja predlažem da mi ovu javnu raspravu, obzirom da je od prilike sve to dobro usaglašeno ovim ranim Odlukama i predlažem da ta javna rasprava bude 30 dana i mislim da nema potrebe da je više produžujemo i da probamo da je uklopimo s ovom javnom raspravom vezano za nacrt budžeta pa da pokušamo da to zajedno organizujemo i na taj način ćemo imati vjerovatno više građana na tim raspravama.Ovo što je kolega Senahid Džebo rekao vezano za kada Gradonačelnik ne može da obavlja dužnost i ja mislim evo da je ovdje navedeno u članu 35 kolega Džebo ja ću pročitati ovaj član.Gradonačelnik u slučaju privremene odsutnosti ili spriječenosti obavljanja svoje dužnosti zamjenjuje uposlenik gradskog organa uprave, kojeg on ovlasti.U slučaju prestanka mandata Gradonačelnik iz razloga propisanih zakonom, u slučaju opoziva u skladu sa zakonom i u slučaju ostavke dužnosti Gradonačelnika, do ponovnog izbora Gradonačelnika vrši osoba izabrana od strane Gradskog vijeća natpolovičnom većinom od ukupnog broja članova Gradskog vijeća.“

Puškar Hasan:

„Komisija za propise i Statut je razmatrala nacrt, Komisija je razmatrala i pred nacrt koji je dio budžeta.Pred nacrt je dostavljen klubovima da se dostave primjeri i ja mislim da ništa nije dostavljeno.U ovom Statutu Grada Gračanica samo smo zamijenili riječ Općina Gračanica, Grad Gračanica i Općinsko vijeće,Gradsko vijeće i Općinski načelnik,Gradonačelnik itd,itd i forum građana je dodat u Statut Grada Gračanica.Sad mi krećemo u javnu raspravu.Ja kao neko ko bih trebao da radi na ovome na svim prijedlozima,sugestijama itd.stojim na raspolaganju i pozivam sve nas da se svi uključimo jer što se više nas uključi postoji veća mogućnost da ćemo bolji dokumenat napraviti.Ako niko ne napiše primjedbe,sugestije znači ovo je dobro,a znajući nas slabo ko da će šta napisati.Zato pozivam nas sve da se uključimo i pridružimo se ovom Vahidinovom da javna rasprava bude 30 dana, da se u sklopu rasprave o budžetu obavi rasprava o Statutu Grada Gračanica.Također trebalo bih popraviti oko rada vijeća MZ. Po meni gdje sam bio sam dugogodišnji predsjednik i znam sve manjkavosti i prednosti i trebalo bih da se vijeća MZ uključe i da pokušamo napraviti dokument koji će biti na duži priod.Moj prijedlog je 30 ili 40 dana ako bude rasprava 30 dana znači da bih mi mogli o Statutu pričati na decembarskoj sjednici, kada bude završena javna rasprava imamo nacrt Statuta na decembarskoj sjednici,to je moje mišljenje.“

Hasić Ibrahim:

„Ja bih počeo od člana 60 i ovo je sve na određen način prihvatljivo i krenulo je sve ono demokratskim načinom putanje i sve je išlo do člana 68 gdje kaže: Broj članova Vijeća

MZ utvrđuje se Statutom MZ, a on ne može biti manji od 7 niti veći od 17 članova, u zavisnosti od broja registriranih birača u određenoj MZ i to:

-za MZ do 600 registriranih birača 7 članova;

-za MZ od 601 do 1.200 registriranih birača 9 članova;

-za MZ od 1.201 do 2.000 registriranih birača 11 članova itd, itd. Znači od 60 pa dole zna se šta sve pripada Vijeću MZ ne znam ni ja javna rasprava, pa utvrđenje Statutom, Poslovnik i sve ostalo. Ali ovdje mi dole sada izlazi od člana 68 prelazi kako bih ja rekao u diktatorski način. Ko može znati bolje u MZ koliko u jednoj MZ treba članova da bude neovisno koliko ima registrovanih birača. To onaj ko nije radio u MZ, ko nije predvodio MZ njemu je to teško i shvatiti. I onda na kraju šta ovdje ispada, znači ovdje smo odozgo krenuli smo sve demokratski i ovdje smo dole došli aristokratski raditi, odnosno došli smo tiranijski, znači izričita je naredba da to mora biti tako. Ja da vam kažem jednu stvar, prije svega Vijeće MZ ako usvoji, a usvaja ga ono i naravno sprovest će se javna raspava, sprovest će se sve i ako se steknu uslovi većinom bit će usvojen statut a ukoliko ne bude znači neće biti. Ako to neko već hoće da to tako bude, onda neka izvoli taj neko neka usvoji taj statut i neka ga dostavi MZ pa ako neko može taj što se prihvati MZ raditi po tom statutu neka radi, ako ne neka taj neko izvoli neka povjerenike uvede u te MZ i završena priča.“

Džebo Senahid:

„Ne bih ja al moram zbog javnosti, jednostavno moram. Član 35 ima dva stava, u prvom stavu je navedeno: Gradonačelnika u slučaju odsutnosti ili spriječenosti obavljanja svoje dužnosti zamjenjuje uposlenik gradskog organa uprave, kojeg on ovlasti, tako stoji i to je uredno, kada je u mogućnosti Gradonačelnik da ovlasti. Stav dva, u slučaju prestanka mandata Gradonačelnik iz razloga propisanih zakonom, u slučaju opoziva i u skladu sa zakonom i u slučaju ostavke dužnost Gradonačelnika, do ponovnog izbora Gradonačelnika vrši osoba izabrana od strane Gradskog vijeća i mislim da je ovdje decidno navedeno i jasno. Ja govorim o stavu jedan, u stavu jedan koji je ne vezan evo faktički sa stavom dva u slučaju spriječenosti da u momentu Gradonačelnik treba nekoga da ovlasti a ne bude u mogućnosti, šta ćemo tada, o tome sam govorio. Ovdje bih se nadovezao na Ibrahima Hasića što kaže samo su MZ to sam zaboravio prošli puta reći, data nekakva zaduženja i postavlja se jedan stav u članu 54 i kaže: MZ organizira, provodi i odgovorna je za mjere zaštite i spašavanja ljudi i materijalnih dobara od prirodnih i drugih nesreća. Nigdje se ne spominje ni Civilna zaštita, ne pominje se ništa i mi smo ovdje i kada smo imali prošli puta izvještavanje o radu Civilne zaštite, pa smo rekli traže se spiskovi formiranje vodova, formiranje nekakvih spasilačkih jedinica, formiranje svega od MZ koja nema ni informaciju ni koji je broj stanovnika ni ništa a sve se ovdje nalazi i svi znamo kroz ove službe se zna gdje se ljudi nalaze, gdje su uposleni, da li su kod kuće il nisu i mislim da ni danas dan još nisu formirani spiskovi i da nisu ažurirani, ne može MZ to provesti niti će moći kad provesti.“

Zaključena je rasprava.

Krajinović Nihad, Predsjedavajući Gradskog vijeća je pročitao zaključak nacrtu Statuta Grada i dao ga na glasanje:

„Na osnovu člana 8. Statutarne Odluke o organizaciji Grada Gračanica u skladu sa Zakonom o Gradu Gračanica („Sl. glasnik Grada Gračanica“, broj: 1/19) i člana 89. Poslovnika Gradskog vijeća Grada Gračanica (“Službeni glasnik Općine Gračanica”, broj: 6/14) Gradsko vijeće Gračanica na sjednici održanoj dana 30.10.2019. godine, d o n o s i

Z A K L J U Č A K

I

Usvaja se Nacrt Statuta Grada Gračanica.

Nacrt Odluke stavlja se na javnu raspravu u trajanju od 30 dana.

Javnu raspravu će provest Komisija za propise i Statut, izbor i imenovanja, gradska priznanja i obilježavanja značajnih događaja i ličnosti i Stručna služba Gradskog vijeća u skladu sa Odlukom o javnim raspravama u Gradu Gračanica („Sl.glasnik Općine Gračanica“, broj: 5/04).

Sve primjedbe, prijedloge, dopune i sugestije se mogu dostaviti nadležnoj Komisiji za provođenje javne rasprave i Stručnoj službi Vijeća.

II

Zaključak stupa na snagu danom objavljivanja u „Službenom glasniku Grada Gračanica“.

Nacrt Statuta Grada Gračanica usvojen je jednoglasno.

TAČKA 2

RAZMATRANJE I USVAJANJE NACRTA BUDŽETA GRADA GRAČANICA ZA 2020. GODINU

Helić Nusret, Gradonačelnik Grada Gračanica:

„Poštovani predsjedavajući i radno predsjedništvo, uvaženi vijećnici, saradnici, gosti i mediji, dozvolite mi da vas ja pozdravim i zaželim uspješan rad.

Evo nas pred prvom projekcijom, odnosno Nacrtom budžeta za 2020.godinu, pripremljenom po procedurama i u roku kako to reguliše Zakon o budžetima u Federaciji BiH.

Moram pohvaliti nadležnu službu i šefa Odsjeka za budžet na profesionalnom odnosu i radu na ovom dokumentu.

Čime smo se rukovodili u pripremi Nacrta Budžeta:

Prije svega Planom prihoda iskazanim projekcijama Federalnog Ministarstva finansija, smjernicama i ciljevima fiskalne politike koju nam je dostavilo Kantonalno Ministarstvo finansija iz kojeg se vide planirani prihodi po osnovu PDV-a i poreza na dohodak, projekcijom Direkcije Regionalnih cesta Tuzla kada su u pitanju prihodi od inidirektnih poreza na ime finansiranja Auto cesta Federacije i drugih cesta, ostvarenjem prihoda iz 2018.godine i poslednje poznato izvršenje iz 2019.godine, zahtjevima i potrebama službi i korisnika budžeta, dokumentom okvirnog budžeta (DOB 2020-2022), dostavljenim zahtjevima iz MZ, kao i Planom kapitalnih investicija.

Nije bilo lako sve to uskladiti i ponuditi najrealnije rješenje, koje je upravo pred vama. Uvijek su zahtjevi i potrebe veće od raspoloživih sredstava. Zato sam i pohvalio Službu i šeficu odsjeka za budžet.

Prema prvoj projekciji budžet iznosi 13.301.964 KM i sastoji se od:

- 1.Prihoda u iznosu od 13.098.694 KM.
- 2.Primitaka u iznosu od 203.000 KM.
- 3.Otplata u iznosu od 81.681 KM.
- 4.Rashoda i izdataka u iznosu od 13.220.013 KM.

Ukupno planirani prihodi u iznosu od 13.098.694 KM sastoje se od:

- 1.Poreznih prihoda u iznosu od 8.784.921 KM.
- 2.Neporeznih prihoda u iznosu od 2.886.973 KM.
- 3.Potpورا i grantova u iznosu od 1.426.800 KM.

Ako uporedimo planirane prihode sa prihodima iz 2019.godine može se primjetiti da su manji za oko 1.600.000 KM.

Porezni prihodi su veći za oko 400.000 KM i odnose se uglavnom na veće prihode po osnovu PDV-a i poreza na dohodak. Neporezni prihodi su gotovo isti, dok su grantovi daleko manji.

Kada su u pitanju grantovi, manji su zbog toga jer nemamo dostupnih podataka niti odluka viših organa po osnovu planiranih i kandidovanih projekata. Ovo što smo ubacili u Nacrt je nešto što smo dogovorili i što nam pripada po dosadašnjim kriterijima. Radi se o grantovima Kantona iz vodnih naknada, sredstava okoliša, sredstava građana i nekih iz Federacije BiH.

Na bazi planiranih prihoda rađeni su i izdaci. Oni su u veličini prihoda, što znači da nam je budžet uravnotežen. To potvrđuje dostavljeno mišljenje Kantonalnog ministarstva finansija u kome se kaže da su planirani prihodi i primitci i planirani tekući bilans u Nacrtu Budžeta Grada usklađeni sa članom 33. stav 2. i članom 43. stav 1. Zakona o budžetima u Federaciji BiH i da je Grad primjenio Plan prihoda iskazanih u projekcijama Federalnog ministarstva finansija i projekcijama Ministarstva finansija TK-a.

Evo par podataka o rashodima:

-Tekući rashodi su planirani u visini od 9.761.000 KM i gotovo su isti u odnosu na plan ove godine (veći samo za 150.000 KM).

-Kapitalni izdaci planirani su u iznosu od 3.419.000 KM, što je gotovo duplo manje u odnosu na plan 2019.godine. Upravo zbog manjih grantova koji u ovoj fazi nismo mogli planirati, ali i zbog prenesenih nerealizovanih projekata iz 2018. u 2019.godinu. Vjerujem da će mo do prijedloga Budžeta imati realniju sliku grantova, kao i procjenu viška prihoda, što će promijeniti stanje kapitalnih izdataka, odnosno povećati izdatke za kapitalne projekte. Takođe planiramo završiti dvoranu na Bazenu zašto predviđamo i zaduženje za ove namjene. Očekujemo i obećani grant od Vlade TK-a.

Šta je to više planirano u odnosu na izdatke ove godine:

-Izdaci za bruto plaće sa doprinosima su veći za 5 % , a odnosi se na povećanje plaća 2 % zbog povećanja osnovice sa 315 na 320 KM i potrebnog popunjavanja nekih upražnjenih radnih mjesta (urbanisti, sanitarni inspektor, putni inspektor i drugi).

-Tekući grantovi su veći za 138.000 KM, a odnose se na veća sredstva za Obdanište, Izbornu komisiju, stipendije i dr.

-Planirana je veća budžetska rezerva za neplanirane troškove, čija je opravdanost potvrđena i ove godine kada smo morali intervenisati za mnoge namjene. Evo i ova sada inicijativa koju vi podnesete poslije usvajanja budžeta se jedino može realizovati iz budžetske rezerve i zbog toga je evo i dobar dio vijećnika tražilo da se ta rezerva poveća i ona je povećana za 40.000 KM u odnosu na plan iz 2019.godine. Da kažem da je ako se ne varam Vanesa sa današnjim danom malte ne sva iscrpljena, uglavnom se išlo na namjerivanje troškova za gradnju puteva, jer svaki javni poziv je pokazao da su troškovi daleko ili povećani cijena tako da smo koristili budžetsku rezervu, između ostalog najvećim dijelom za to.

-Manji su izdaci za materijalne troškove za 376.409 KM u odnosu na planirane za ovu godinu.

Detaljne podatke o izdacima imate u Nacrtu i obrazloženju, te nema potrebe da ih ponavljamo.

Predlažem da Nacrt Budžeta usvojite uz zaključak da javna rasprava o ovom Nacrtu traje do 06. 12. 2019.godine. Dovoljno vremena za raspravu a i za nas da poslije rasprave na vrijeme pripremimo prijedlog Budžeta za decembarsku sjednicu Vijeća.

Za provođenje rasprave zadužuje se Služba za poduzetništvo, lokalni razvoj i finansije“.

U ime Komisije za budžet prisutnima se obratio Predsjednik Komisije Sulejmanović Osman:

„Komisija je održala svoj sastanak i razmatrala je nacrt budžeta Grada Gračanica za 2020. godinu i s obzirom da je on u nacrtu predlažem Vijeću da ovakav isti usvoje za javnu raspravu.“

Učesnici u diskusiji:

Smajlović Vahidin:

„Evo nacrt budžeta za 2020 godinu je 13.301.964 KM i opet kada pogledamo i uporedimo sa nacrtom budžeta za 2019 godinu je veći s obzirom da smo mi u 2019 godini imali nacrt budžeta u iznosu od 12.740.000 KM. Svi smo svjesni da će ovaj nacrt budžeta pretrpjeti izmjene tokom javnih rasprava, prijedloga i sugestija koje će se dostaviti i ja opet i ovim putem pozivam sve da se uključe maksimalno da dostavimo svoje prijedloge i da pokušamo usvojiti budžet koji će zadovoljiti potrebe svih MZ i kompletno Grada Gračanica. Budžet za 2020 godinu vjerujem da će biti veći i da će doći do cifre 15 ili 16 miliona kao što je budžet za 2019 godinu i vjerujem da će to biti i zato ima osnove. Kada pogledamo prihode od porezne i ne porezne vidimo da oni zaista idu u skladu onako kako smo planirali. Imamo povećanje indirektnih poreza što nam daje neku sigurnost i da kažem garanciju da možemo da planiramo budžet i da se malo slobodnije upustimo u planiranje izradu budžeta s obzirom da neporezni prihodi učestvuju preko 65% u strukturu ukupnih poreznih prihoda. Analizirajući situaciju trenutno oko ispunjenja budžeta za 2019 godinu i ekonomsku situaciju kao i plan priliva za 2019 godinu i Klub SDP će podržati ovaj nacrt budžeta za 2020 godinu ali naravno uz korekcije koje ćemo imati tokom javne rasprave i uvažavajući prije svega mišljenja građana i javnosti koje mi zastupamo. Ja ovdje neću ulaziti pojedinačno u stavke s obzirom da je ovo nacrt budžeta, ali ovo malo ovdje što ću iznijeti je nešto što bih ja lično dao prijedlog da pokušamo da povećamo posticaj u poljoprivredi s obzirom da je veoma teško stanje u poljoprivrednoj proizvodnji na području Grada Gračanica i jedno pitanje koje imam za gospodina Gradonačelnika s obzirom da ovdje nisam našao u ovom nacrtu budžeta a vezano je za Zdravstveni savjet. Da li su predviđena neka sredstva za Zdravstveni savjet, mislim na formiranje Zdravstvenog savjeta jer smo bili donijeli Odluku da će sredstva za funkcionisanje biti planirana u budžetu, ali evo ovdje ne vidim da je stavljeno u nacrt budžeta.“

U ime Komisije za propise i Statut prisutnima se obratio Predsjednik Komisije Hasan Puškar:

„Komisija za propise i Statut je razmatrala nacrt budžeta i najbitnija stvar da je u sklopu sa zakonom ponuđeno. Međutim imamo jednu primjedbu, jednoglasno je usvojeno da pri izradi budžeta treba obratiti pažnju na ravnomjeren razvoj MZ u kapitalno ulaganje. Znači da se iz sredstava Grada Gračanica napokon jednom ravnomjerno rasporede sredstva, ne grantovi nego sredstva Grada Gračanica. Eto to je stav Komisije da se jednom krene ravnomjernom raspodjelom sredstava iz gradskog budžeta.

Dedić Dino:

„Za ovaj Nacrt Budžeta ja imam jednu primjedbu i da zamolim Gradonačelnika da obrati pažnju i znam da je nacrt. U zadnje tri godine je bilo jedno od 12 do 15 inicijativa i mnogo kolega vijećnika i kolegica na postavljanje ležećih policajaca i obilježavanje škole, osnovni škola i nisam to našao u nacrtu. Pa bih vas zamolio ako možete da se ne ponavlja jer je većina nas to iznosilo da to bude jer ja nisam našao. Da kažem da je Klub stranke Za BiH razmatrao ovaj nacrt i jednoglasno smo se dogovorili i složili da ćemo podržati nacrt budžeta za 2020 godinu.“

Šehić Edin:

„Evo kao što je kolega Dino rekao mi ćemo svakako podržati ovaj nacrt budžeta za 2020 godinu ali imao bih par stavki da podijelim ovdje i neću dužiti kao prošli put s obzirom da je nacrt. Ono što mene interesuje i pitanje Gradonačelniku u uvodnom izlaganju je to rečeno da imamo povećanje plata za uposlenike. Ja sam 29. maja podnio vijećničko pitanje da mi se dostavi spisak svih uposlenika jer mene kao građanina i vijećnika interesuje spisak svih uposlenika u gradskoj upravi. Tamo sam striktno naveo šta me interesuje, dakle status radnog odnosa da li je ugovorom na određeno ili na ne određeno, povremeno, privremeni ili poslovni ugovor, u kojoj stručnoj službi je zaposlen i tako da bih volio zaista da mi se to dostavi i evo od maja mjeseca je prošlo poprilično dosta vremena. Druga stvar ako može Gradonačelnik da mi pojasni ili već neko od nadležnih. Finansiranje društvenog centra za redovan rad projekat UNDP-ia 7.500 KM i mene interesuje na koji način su ta sredstva planirana da se utroše i da li je to samo nečije radno mjesto ili nečiji agažman i šta mi u suštini imamo od tog društvenog centra kao građani. Samo ću na neki način povući paralelu sa izdvajanje za Vijeće mladih koji mislim da daleko može više doprinijeti u određenim stvarima a izdvaja se 4.000 KM a za društvene 7.500 KM pa da se pojasni sama suština postojanja društvenog centra. Imao bih na 8 strani obrazloženja ispravku dakle kapitalni grant O.Š. Hasan Kikić, Malešići, nemojte samo Malešići to su vjerovatno Babići tako da korigujete to da ne bih kolega Hasić shvatio da je to u Malešićima, to je samo korekcija. Dakle oko spiska i društvenog centra ako može Gradonačelnik sada da pojasni.“

Devedžić Almedin:

„Sigurno da je Budžet najvažniji dokument i oko njega treba puno stvari da se kaže i ovo je radni materijal nacrt i kad pregledamo sve ovo uglavnom je prva pomisao ja sam nezadovoljan, onda okrenemo se i svi kažu ja sam nezadovoljan uglavnom svi su nezadovoljni. Nije ovo lagan posao i treba raspodijeliti sredstva i nadam se da je Gradonačelnik vodio računa o tome kako ih raspodijeliti s obzirom da je sljedeća godina izborna i da će se tu svega dešavati. Mene interesuje nešto drugo, evo ovdje su šefovi službi koji iz mog iskustva mogu da pohvalim ove ljude koji stvarno rade svoj posao maksimalno, korektno i pokušavaju da iz svih situacija izvuku maksimalno i ono najbolje. Mene interesuje kada se pravi budžet Gradonačelnice, ovo su nekakva razmišljanja građana i kada se priča s njima ljudi žele da znaju kako da oni učestvuju u kreiranju budžeta, kako da se njihovi zahtjevi implementiraju ovdje u ovaj dokument i onda pitaju, traže vijećnike. Meni je žao i opet ću ponoviti vijeća MZ velika većina ne funkcionise, mogu sigurno da kažem da ne funkcionise niti se sastaje, sastaje se jednom, dva put eventualno tri put u jednoj godini i to je nevjerovatno. Kada se pravi ovaj budžet ljudi nemaju pojma, niti se pravi javna rasprava, nazovu iz gradske uprave i kažu hoćete li javnu raspravu, većina kaže nećemo. Ja predlažem da se ovdje obavezno provede javna rasprava u svakoj MZ i da građani budu obaviješteni kada je ta rasprava i da dođu i da iznesu svoje zahtjeve. S druge strane Klub SDA raspravljao je o ovome i ima nekoliko predsjednika MZ koji trenutno vode MZ, tačno da su ih šefovi službi nazvali i pitali, barem onoliko koliko ja imam informacija i predpostavljam da će oni izaći da to kažu, međutim te stvari koje su oni iznosili kao prioritete nisu našli u nacrtu ali se nadaju ili se nadamo da će se to implementirati ovdje ali međutim kao u formuli jedan nije ista startna pozicija, ljudi se trkaju za startnu poziciju. Nije isto sad u amandmanskom dijelu ili u nacrtu borit se kad imaš u nacrtu nešto jer rijetko šta se izbacuje. Možda bih bilo dobro Gradonačelnice sve ovo što sam ja rekao da se stvarno ispoštuje na terenu, da se građani maksimalno uključe i da ih alarmiramo preko sredstava informisanja. Da se vijeća MZ obavezno sastanu i da se oni prioritete koji MZ kažu da se oni uvrste u budžet. Naravno ima nas koji predlože, smo i bili možda predsjednici i nismo trenutno ali znamo kako to funkcionise. Evo ja ću reći za svoju Lukavicu i ovdje imamo tri projekta asfaltiranje puteva, asfaltiranje puteva u centru i asfaltiranje puteva u jednom naselju. Ovo sredstava što imamo dovoljno je da se uradi možda jedan od ta tri, šta hocu da kažem, da bih se centar Lukavice asfaltirao treba 100.000 KM minimum da se to završi. Da bih se napravio put u Čamdžićima treba po predračunskim vrijednostima 89.000 KM, a ovdje je planirano 20.000 KM.

Predlažem Gradonačelnice i svima, da pokušamo i sa terena, da te projekte uradimo kad radimo jedan projekat daj da ga uradimo da ne pravimo po 20 m po 100 m ceste i onda sljedećih 100 m kad pravimo uništimo i ono što imamo. Ovdje naglašavam da vijeća MZ su inertna, znači oni prepuste to slučaju i onda imamo situaciju da više ne znaš ni koji projekat, ni kako će se implementirati na koji način i odjednom se pojavi neki peti projekat kojeg nema u budžetu, koji nije planiran, imamo da ne kažem haus ali nemamo tu dobru komunikaciju. Građani žele da se uključe ako treba skupit će i novac, nije nikakav problem, samo da se kvalitetno urade ti projekti. Mi ćemo prije glasanja o nacrtu uzeti pauzu ali sigurno bit će još govornika iz našeg Kluba koji će se javiti i prodiskutovati o ovom nacrtu budžeta.“

Replika:

Smajlović Vahidin:

„Provođenje javne rasprave je svakako i ono što sam i ja tražio i javne rasprave budu i one trebaju da budu i to je logično i to nije problem ni Gradonačelnika ni gradske službe to je problem nas prvenstveno u vijećima MZ znači da mi alarmiramo i pozovemo građane i da oni dođu na javnu raspravu a predstavnici službi svakako oni su obavezni da dođu na tu našu javnu raspravu. Izašao sam ovdje što kaže kolega Almedin da su vijeća MZ inertna da ne rade ali to možda kod vas tamo Almedine družbe ne radi vijeće. Ima vijeća MZ koji zaista rade dobro, funkcionišu i ovi prijedlozi koji su dostavljeni vezano za nacrt budžeta su naravno usaglašeni u vijećima MZ a sigurno da svako vijeće MZ dostavi barem ovoliko projekata i želja ali drugo su želje drugo su mogućnosti ono što može da se uklopi. Kada govorim o vijećima MZ svejestan sam da neka možda ne rade dobro ali ne možemo kompletno obuhvatiti sva vijeća MZ da su inertna i da ne rade, pogotovo što ja vodim vijeće MZ.“

Replika:

Šehić Edin:

„Evo ja bih samo iskoristio priliku da na neki način repliciram odnosno da dopunim evo kolega Hasan Puškar, a vidim da i Almedin govore nešto što mi evo treću godinu kao stranka Za BiH koliko MZ mora da bude suvjerena u svom odlučivanju, svojoj odgovornosti. Prošle godine ste na neki način nonšalantno odbili moj prijedlog da se rasporede sredstva svim MZ pa onda da vijeća donesu ovo što Almedin govori i on zna koji će projekat završiti za ta sredstva al neće tri projekta u budžetu a neće ni jedan završiti. Ponavljam još jednom moramo ozbiljno razgovarati da MZ doznačimo sredstva da vijeća MZ uz suport gradke uprave koja mora provesti procedure na ono što dostavi MZ i da onda se završavaju kvalitetno projekti u svim MZ. Nije ovo prenošenje nadležnosti, vi dajte sredstva u budžetu poimeničnom projektu, dakle kad stavite u budžetu MZ Babići 300.00 KM za kapitalne projekte, izvolite MZ dostavite nam do 30. aprila u budžetskoj godini koje projekte želite realizirati, to nije prenošenje nadležnosti. Dobit će te vi i projekte i sve, kako će te sad dijeliti, kako sad dijelite, dakle mislim da se moramo vratiti da ravnomjerno razvijamo MZ na onom principu da dodjeljujemo sredstva, a vijeća MZ znaju koji su problemi kod njih u MZ.“

Muslimović Adnan:

„Evo ovako ja ću se nadovezati na ovo što je Almedin govorio pa i Vahidin. Ja sam kao predsjednik MZ telefonski kontaktiran vezano za ovaj nacrt, dakle ne pismeno nego telefonski. Ja sam rekao koji su to prioriteti i projekti važni za moju MZ, međutim ono što sam ja rekao ne slaže se s onim što jeste u ovom nacrtu. Tako da mislim da prije svega ne može se telefonski ozbiljna stvar raditi i mislim da je to trebalo pismeno i druga stvar ako je rečeno i telefonski smatram da je to trebalo biti uvaženo.“

Puškar Hasan:

„Ne pričam o ciframa ali interesuje me evo budžetka rezerva, grantovi, donacije, sredstva građana itd. Na osnovu čega je neko u nacrtu budžeta za jedne predvidio sredstva građana a za druge nije ili sredstva građana idu svima ili ne idu nikome. Jedne godine smo imali uslov 20 % je svima. Međutim da ne nabrajam pojedinačno ali kaže 5.000, 20.000, 30.000 na osnovu čega. Da je krenula budžetska godina pa ok, ali ovako to ulazi u budžet i ima cifra lijepa ima po 30.000 bit će sredstva građana, mislim na osnovu čega je to, ili treba staviti svima uslov ili nije trebalo nikome. Ja ne bih nikome dao bez učešća građana, mi smo davali od marke na marku, pa smo davali 70 % sredstva građana i svakako smo davali i dobijali smo kasnije malo više itd., u Sokolu. Ali kažem ili trebamo staviti prioritet pri realizaciji projekata su sredstva građana i biti će uplaćena tu i tu. Znači ja imam najviše sredstava i među prvim je moj projekat, mislim ne moje MZ nego XY. Ili treba linearno svima da bude učešće sredstva građana pošto imamo lijepo i kolonu. Ja tvrdim da trebaju građani svuda učestvovati, možda u gradu ne trebaju radi plaćanja renti itd, itd., ali u MZ trebaju učestvovati da bih se povećao broj ili ne treba niko, a ako neko već učestvuje da ima u nečemu prioritet. Znači ako malo više sredstava imam idemo da budemo prvi ili da dobijemo više sredstava. Ako smo mi sabrali 20.000 KM da to bude proporcionalno, jer gdje građani sabiru sredstva tu smatram da su se i građani uključili i da je i njima interes da završe posao. Ja mislim da smo mi u Sokolu uvijek se dobro uključivali i zato smo dobro završili sve poslove. Nije bitno ko je na vlasti ko nije ali građani su uvijek potezali i slažem se da i dalje potežemo. Malo me ova kolona sredstva građana jedni imaju jedni nemaju pa sad ili da budu sredstva koji imaju prioritet u realizaciji budžeta ili da svi imaju uslov ili da nešto bude zaključak na kraju, eto to tražim. Ili da bude svima ili da imaju prioritet ko položi sredstva, ne mora biti planirano ali ako donese sredstva 10 %, 20 % da on bude u prioritetu.“

Ahmetović Halid:

„Evo ja dolazim ispred MZ Doborovci, kao predsjednik MZ Doborovci i bio sam telefonski obaviješten o ovom nacrtu. Jednostavno sam ohladio jer čekam projekt odnosno budžet od 2018 godine ti nekih minimalnih 30.000 KM koje se evo još nisu realizovale i koje su prenešene u 2019 godinu i jednostavno sam rekao i Nihadu, ne interesuje me, jer čekam 2018 godinu da se realizuje, trebam dati prijedlog budžeta za 2020 godinu i najvjerovatnije ta 2018-ta će se prenijeti u 2019-tu pa će 2019-ta u 2020-tu tako da odprilike u ove tri godine eventualno 20.000 KM za MZ Doborovci ću imati. Nakon nacrtu budžeta svake godine i evo Vanesa je bila održimo javnu raspravu, prijedloge damo i nešto sitno dobijemo al vidimo da neke MZ idu gore tako da jednostavno smo nemoćni i možemo pisati šta hoćemo i predlagati kome hoćemo jer ovo se radi kako ko hoće.“

Hasić Ibrahim:

„Što se tiče rada vijeća MZ činjenica je da neki rade dobro, neki slabije a neki još slabije. Ima MZ to jest vijeća MZ koje bukvalno ne rade nikako, mislim možete vi ovako letimično preletjeti gdje se to od prilike ne radi ili se sastanu jednom ili dva put godišnje. Međutim ima MZ oni koje rade što se kaže aktivno i održe minimalno sedam do osam sjednica u toku godine a oni koji trebaju održe i petnaest sjednica ovisno od situacije da li treba ili ne treba. Kada je u pitanju priprema budžeta za 2020 godinu kroz Vijeće su prošli projekti koji su neophodni za MZ Malešići i obezbijeđeni su svi predmjeri i predračuni tih projekata koji su i dostavljeni, nisu službi činjenica je ali dostavljeni su Gradonačelniku s

kojim raspolaže. Znači rade neke MZ dobro, ponavljam, neke malo slabije itd. ali činjenica je da se dostave predmjeri i predračuni za narednu godinu pa da se zna. Međutim ja ne mogu shvatiti recimo da ja iako sam tolike godine na čelu da ja mogu bez Vijeća dostaviti nešto jer prvo mora proći procedura, pa Vijeće kaže zaključak je ili odluka je ta pa ide to, to i Vijeće to, pa predmjer stručne službe koji jesu izađu predmjere iznos je toliki i dostavi se i uklapa se kako može. Dalje kad je Hasan ovdje pitao da jedni građani imaju veliko učešće a jedni nemaju itd. i vjerujem da su mu Malešići zapeli za oči jer imaju na dva mjesta, na jednom je 20.000 KM a na drugom 30.000 KM vlastitih sredstava gdje se ulaže pa možda ti je i to malo pozitivno zapelo za oko.“

Gradonačelnik Helić Nusret:

„Evo daću neke odgovore pa se vratiti na nacrt budžeta. Nije prvi put ovo je vama treći put da usvajate budžet i znate proceduru, nacrt budžeta predlaže izvršna vlast, Gradonačelnik isključiva nadležnost. Ovaj smo budžet radili i to sam rekao u svom uvodnom izlaganju na osnovu smjernica jedni, drugi, treći, dakle kada su u pitanju prihodi. Razhodi na bazi zahtjeva MZ, na bazi onoga što mi poznajemo gdje su prioriteti a vjerujem da poznajemo situaciju na lokalnom nivou bolje nego svaki od vas pojedinačno vijećnik jer vi se u suštini borite za svoju MZ što je do neke i uredno ali uvijek krenite od toga da ste vi vijećnici Grada. Recite mi i jednu stavku vezano za predizbornu, jednu stavku za koju vi mislite da je kreirana, ja sam to svima sa kojima sam razgovarao rekao ne interesuju me izbori, idemo po onome što je započeto i idemo po onome što znamo šta je prioritet. Nemojte nam sad ovdje pričati o javnim raspravama kada ste vi kreirali plan kapitalnih investicija ako ste sa građanima pa svako imao pravo, pa onda ste kreirali vi i usvojili Strategiju razvoja Općine pa mi pogledamo u Strategiju a tamo piše put u Doborovcima ovaj, a od vas dođe prijedlog neki tamo drugi put zato što je nečiji interes, ne mislim vas bukvalno u smislu. Moramo se pridržavati nekih akata koje ste vi usvojili, Plan kapitalnih investicija je rekao za svaku vašu MZ šta je prioritet. Sad pojedinačno oko ovoga sredstva građana, mi smo isto kao što smo ubacili šta nam je poznato od grantova tako i ubacili šta je poznato od sredstava građana jer su MZ dostavile. Za ovaj put evo Hasić je izlazio toliko, došlo je od Vahidina MZ i građani će toliko, iz Sokola je došlo toliko i mi smo to ubacili, iz Pribave i tako redom, to je znači poznanica. Do kreiranja prijedloga će možda biti još informacija pa ćemo i mi onda u prijedlogu reći pošto su i ovi mogli morate i vi ubaciti pa će te vi usvojiti 20% vaših sredstava. Dakle nije ovdje ništa preferirano neko nego jednostavno poznato je gdje su ljudi rekli uplatit ćemo mi na put do 30.000 KM ili koliko. To što su neki i dostavili, evo Muslimović kaže dostavio i sve je tvoje prihvaćeno samo nije u onolikoj većini, jer nema sredstava ima 13 miliona. Nismo mi ni jedne MZ prihvatili sve nego u okviru raspoloživih sredstava. Uvijek krenite od toga da je 13 miliona i u njih treba uklopiti sve vaše primjedbe i primjedbe sa javne rasprave. Kada je riječ o budžetu kroz plan kapitalnih investicija kroz Strategiju vi ste obavili raspravu ako jeste obavili u MZ i mi na osnovu toga radimo i desi se nešto. Ovo što predlažete hajmo jedan projekat ovo ono uzeo sam primjer Lukavicu i 100.000 KM, hajte skinite druge projekte i reći ćemo evo 100 000 za Lukavicu, 100.000 KM za Rašljevu, a znate da dođete ovdje pa tražite 5.000 KM za neki put da vam damo i to je vaše pravo i mi to prihvatimo, pa ne možeš biti isključiv ni učemu. Na ovo Šehiću, mi smo vama dostavili koliko je zaposlenih, koliko je visoke stručne spreme, koliko je na određeno vrijeme, šta ti znači ime. Evo ja opet neću dostaviti ime i prezime ali ću ti opet dostaviti koliko je u administraciji zaposleno, koliko sa visokom, koliko sa višom, šta je na određeno vrijeme i zbog čega je na određeno vrijeme. Na određeno vrijeme nam je sve ono što traje dvije godine agencija godinu mora funkcionisati, urbanizam bih stao da nemamo tamo jedno na određeno vrijeme i sad da ne nabrajam. Društveni centar, pa to je na zapadu i valjda hodate vi po zapadu više nego ja. Društveni centar je ono u kome se obavlja sve ono da ne kažem potreba za svakog građanina, ne vladini sektori dolaze tamo u popodnevnim satima kreiraju, pa tamo su penzioneri, tamo su djeca iz osnovnih škola, tamo su mladi da kreiraju nešto. Zamišljeno je društveni centar i to je projekat UNDP-ia zajedno s nama i finansirao je jedno vrijeme UNDP-i, znate da je to u prostorijama MZ Gračanica jer nismo imali drugog

prostora. Ja sam bio u Švedskoj baš oko tih društvenih centara i između ostalog to finansira Grad i ima tamo petnaest zaposlenih i to je ono što omogućavaju građanima da tamo dođu u svako vrijeme i pravi kreaciju, da dođe na računar nešto kreirati, da dođe nešto raditi i tako. Mi smo to krenuli i najbolji smo u odnosu na ove sve što su formirane a nismo daleko otišli. Dakle to je što se finansiraju struja, grijanje i tako ne plaća se niko tamo i radi se amaterski i to je u prostorijama MZ Gračanica i dakle to je društveni centar i imamo ugovor sklopljen sa UNDP-om gdje oni finansiraju jedan dio između ostalog finansirali su pokrivanje tog objekta koji treba da se završi a naša obaveza je kad smo sve to posložili 7.500 KM i ubacili smo je u nacrt budžeta. Ovo oko čini mi se iz Doborovaca je spominjano prenosi se, pa ljudi božiji ja kad bih vama pričao i da vas zovnem sa izvođačima koji su sad problemi, jedno je što se ne prijave na tender, drugo je prijavi se jedan i dobije i valja ti prihvatiti to a taj izvođač ima još poslova na teritoriji Federacije i nema boga da ga možeš natjerati da ga uvedeš u posjed. Ako raskineš ugovor opet je produžen rok i nevjerovatno nema izvođača, nema radnika i to nije problem samo Gračanice. Spomenuti ću vam u ovom dijelu drugom oko izvršavanje budžeta, firma koja je trebala da završi vodu u Gračanici Bijela Polja neko je spomenuo Bijela Polja, Drafnići i Lohinja Gornja u pola projekta nisu odustali nego idu kako u stečaj, ne možemo završit, rokovi probijeni svi i mi čekamo sredstva UNDP-ia, čekamo MEG projekat i dovedeni smo do toga da možemo izgubiti sredstva a nije ni pola završeno. Sada se snalazimo i valja spašavati pod izvođače da barem potpišu cesije da ne bih ljudi nabelajili. Idemo mi na raskidanje ugovora, idemo na crnu listu, ganjamo bankovnu garanciju i upetljali se ne našom krivicom i ići će krivična prijava. Pitajte ove druge i isto će vam ovo reći, problem je sa izvođačima nevjerovatan. Imali smo mi problem našeg uposlenika jer je žena mjesec dana na bolovanju i sve je stajalo, specifični poslovi i nismo mogli i sada krećemo raditi dalje. Uglavnom neće vam ta sredstva propasti. Ne znam jesam li šta zaboravio odgovoriti ali evo radimo na ovaj način sve budžete u nazada 15-20 godina i znam da neće neki biti zadovoljni ali ovo je početni dokumenat rađen u realnim projekcijama, sve smo radili i znate da nikada nismo ušli u dubiozu. To što će biti oni koji nisu zadovoljni i ja nisam zadovoljan, kunem vam se da nisam. Zahtjevi su daleko veći, potraga daleko veća, normalno i vi radite u ime nekih politički stranaka. Kako god je vi napravite prihvatit ćemo, evo imamo 13 miliona idemo na raspravu, kad dobijemo grantove ubacit ćemo i grantove, nadam se da sam pojasnio malo.“

Replika:

Devedžić Almedin:

„Upravo tako Gradonačelnice, svi mi se žalimo vama i teško je ove interese sve sastaviti pa da kažemo treba u Orahovicu, treba u Lukavicu, svima nama trebaju sredstva. Mi nismo iz iste političke partije, odnos moj kao SDA-eovca i vaš koji nije iz iste stranke je strašno korektan i ja želim da kažem da je to pravi odnos koji treba da bude u ovom Vijeću i koji treba da djeluje i da traje. Naravno nismo zadovoljni, nisam ni ja zadovoljan, evo nije ni Gradonačelnik zadovoljan ali ono što sam ja želio da kažem i htio da repliciram Gradonačelnika da uključimo građane, evo slušaju na Radio Gračanica ali nevezano nije bitno, da uključimo građane pa da oni kažu šta je prioritet u MZ. Nemoj da pravimo cestu u kojoj živi jedna porodica, a gdje živi stotinu porodica tu je cesta makadamska, daj da uključimo građane. Evo sredstva konkretno za Lukavicu Gradonačelnice, 105.000 KM u nacrtu za asfaltiranje puteva, pa hajmo ta sredstva upotrijebiti za jedan put konkretno, evo Ograđenica, napravimo i riješimo problem i skinuli smo ga s dnevnog reda i idemo dalje. Nemoj da započinjemo šesnaest puteva a ne završimo ni jedan i dok završimo njih polomimo one što smo napravili, to sam htio da kažem. I vijeća MZ da kažu hajmo jedan projekat da odradimo kako treba i da sljedeće godine idemo drugi. Svaki pomalo uzimamo radimo i na kraju ne uradimo ništa, o tome se radi. Šta ako je problem MZ i treba da pričamo ovdje, zašto je ovo Vijeće, a šta je vijeće MZ Vahidine. Mi treba da pričamo o problemima građana sa

terena jer smo njihovi predstavnici i nemojte da izigravamo ovdje nekakve diplomate, a tamo na terenu imamo eksplozije.“

Replika:

Puškar Hasan:

„Gradonačelnice mi nismo svi isti i ja ako sam iz Sokola ne borim se samo za Soko. Ja se borim za sve MZ zajedno i za Grad i predstvanik sam svih i barem u svim svojim diskusijama sam do sada pokušavao da se jednačito borim za razvoj cijelog područja Grada.“

Hadžić Mirsad:

„Ja moram samo nešto da pojasnim za MZ Lukavica koja se prostire na 17 km² tačnije 7 zaseoka. Vijeće MZ donijelo je zaključak da će se projekti za četiri godine provoditi u svih sedam zaseoka. S tim da oni zaseoci koji su dobili sredstva na početku mandata ne mogu biti dok se ne završe ostali zaseoci. Sve ovo je usvojilo vijeće MZ Lukavica s tim kada je se raspravljalo o kapitalnim investicijama za 2019 godinu donesen zaključak koji su prioriteta za 2020 godinu. Mi ćemo se pokušati izboriti da ta sredstva koja smo donijeli zaključkom Vijeća MZ Lukavica budu obezbijeđena, iznaći ćemo način. Strogo i isključivo o svim projektima izjašnjava se Vijeće MZ Lukavica.“

Džebo Senahid:

„Predhodna tačka dnevnog reda je bila Statut Grada Gračanica. U Statutu je navedeno da će se tražiti prilikom formiranja Nacrta ili evo Budžeta Grada tražit će se i mišljenja vijeća MZ. Ovdje se pojedina vijeća MZ prozivaju da li rade ili ne rade, da li onako ili ovako, rade vijeća i ona koja žele da rade ona rade. Da li prolaze projekti mimo odluka vijeća MZ i hoću konkretno evo sad i jedna mi je rečenica zaparala uši kada kaže kolega Hasić da iz Malešića ne može proći projekat koji nije donešen na vijeću MZ, koji nije prošao taj put odnosno da je prošao kroz vijeće MZ a MZ ga stavila kao prioritet i ušlo je u nacrt budžeta ili u budžet. Konkretno evo ja vas pitam da li je slučajno prošao i jedan projekat koji nije bio na vijeću MZ a da je ušao u ovaj nacrt za MZ Malešići. Što se tiče MZ Stjepan Polje mi smo se ovdje sad svi počeli malo lokalno vezati, tražim od vijeća MZ da se održi i vijeće je održano i donešeni su prioriteta, a imamo nekakvu malo drugačiju sliku.“

Hasić Ibrahim:

„Kolega Džebo svi projekti, predmjeri i predračuni koji su planirani za 2020 godinu su prošli kroz Vijeće i jednoglasno su prihvaćeni, urađeni i dostavljeni na adresu koja se koristi za izradu budžeta za 2020 godinu.“

Helić Nusret, Gradonačelnik:

„Ja ću jednu rečenicu neću puno. MZ su dio prijedloga budžeta, dakle može predlagati građanin, može predlagati nevladin sektor, može privredni subjekat, mi u suštini smo predlagači. Može proći prijedlog koji nije došao iz MZ-a u MZ, jel mislite da ne može, ako je to tako onda bih u zakonu pisalo da je budžet spisak prijedloga MZ i ne znam ni ja. Oni koji, ja neću reći da su drugi neozbiljni ali došli su prijedlozi evo sad da napamet nabrojim: Malešići,

Babići, Soko, Škahovica, Rašljeva i evo ovo što je Stjepan Polje, došli su prijedlozi samo nisu u onim veličinama, pa ljudi moji samo recite sada evo kada bude nacrt odakle ćete skinuti, a dodati recimo 50.000 KM, nacrt i prijedlog budžeta nije samo ono što su MZ predložile. Postoji izvršna vlast i mi znamo koji su problemi i zajedno s vama kreiramo prioritete i oni su iskreirani kroz plan kapitalnih investicija Strategije, ako ste obavili raspravu, a evo uzmimo da niste i imate pravo. Uzet ćemo pauzu i vi slobodno iznosite, ja sam prodložio da rasprava traje 35 dana u kojoj ćete vi iznijeti sve svoje želje kao i uvijek i građani sve svoje želje kao i uvijek. Onda ćemo ovdje reći u tih 13 odnosno 15 miliona ako bude šta sve može stati, ne može stati 16 miliona u 15 miliona.“

Replika:

Džebo Senahid:

„Evo upravo sam ja ovo Gradonačelnice od vas i tražio da kažete. Konstantno ovdje pojedinci izlaze i kažu Vijeća ne rade, nije sve vezano za vijeće MZ, nije i da to jednom razjasnimo, ima i mimo vijeća MZ što prođe u budžet i što uđe. Ovdje još jedna bitna stvar današnji nacrt mi kad usvojimo svi mi dobro znamo proveli smo tri, četiri godine ovdje i kad trebamo da pravimo korekciju nekakvu moramo skidati sa nekakve druge stavke jer nemamo drugog načina predlaganja, nemamo drugog. Veoma je bitno što kaže Almedin početna pozicija, početna pozicija je najbitnija u ovom svemu. Sada da ja donesem bilo šta što trebam, treba da kažem kolegi Hasiću trebam skinuti sa tvog projekta nešto pa da ovamo stavim.“

Data je pauza u trajanju od 10 minuta.

Puškar Hasan, u ime Kluba SDA

„Klub vijećnika SDA će podržati ponuđeni nacrt budžeta uz primjedbe koje smo naveli u toku raspave i smatramo da će se usvojiti. Kao što je da se ravnomjernije izvrši raspodjela kapitalnih sredstava po MZ itd. i smatramo da će sve primjedbe ili barem većina primjedbi koje Klub bude uložio u toku javne rasprave pismenim putem biti prihvaćeni.“

Zaključena je rasprava.

Nihad Krajinović, Predsjedavajući Gradskog vijeća je pročitao zaključak o razmatranju i usvajanju Nacrta Budžeta Grada Gračanica za 2020 godinu:

„Na osnovu člana 8. Statutarne Odluke o organizaciji Grada Gračanica u skladu sa Zakonom o Gradu Gračanica („Sl. glasnik Grada Gračanica“, broj: 1/19) i člana 89. Poslovnika Gradskog vijeća Grada Gračanica (“Službeni glasnik Općine Gračanica”, broj: 6/14) Gradsko vijeće Gračanica na sjednici održanoj dana 30.10.2019. godine, d o n o s i

Z A K L J U Č A K

I

Usvaja se Nacrt Budžeta Grada Gračanica za 2020. godinu:

Nacrt Budžeta Grada Gračanica stavlja se na javnu raspravu do 06.12.2019. godine.

Javnu raspravu će provest Služba za poduzetništvo, lokalni razvoj i finansije u skladu sa Odlukom o javnim raspravama u Gradu Gračanica („Sl.glasnik Općine Gračanica“, broj: 5/04).

Sve primjedbe, prijedloge, dopune i sugestije se mogu dostaviti nadležnoj Službi za provođenje javne rasprave i Stručnoj službi Vijeća.

II

Zaključak stupa na snagu danom objavljivanja u „Službenom glasniku Grada Gračanica“.

Zaključak o razmatranju i usvajanju Nacrta Budžeta Grada Gračanica za 2020 godinu usvojen je sa 28 vijećnika „ZA“ i 1 vijećnik „SUZDRŽAN“.

TAČKA 3 RAZMATRANJE I USVAJANJE NACRTA ODLUKE O NAČINU IZVRŠAVANJA BUDŽETA GRADA GRAČANICA ZA 2020 GODINU.

Nihad Krajinović, Predsjedavajući Gradskog vijeća je pročitao zaključak o razmatranju i usvajanju Nacrta Odluke o načinu izvršavanja budžeta Grada Gračanica za 2020 godinu.

„Na osnovu člana 8. Statutarne Odluke o organizaciji Grada Gračanica u skladu sa Zakonom o Gradu Gračanica („Sl. glasnik Grada Gračanica“, broj: 1/19) i člana 89. Poslovnika Gradskog vijeća Grada Gračanica (“Službeni glasnik Općine Gračanica”, broj: 6/14) Gradsko vijeće Gračanica na sjednici održanoj dana 30.10.2019. godine, d o n o s i

Z A K L J U Č A K

I

Usvaja se Nacrt Odluke o načinu izvršavanja Budžeta Grada Gračanica za 2020. godinu:

Nacrt Odluke o načinu izvršavanja Budžeta Grada Gračanica stavlja se na javnu raspravu do 06.12.2019. godine.

Javnu raspravu će provest Služba za poduzetništvo, lokalni razvoj i finansije u skladu sa Odlukom o javnim raspravama u Gradu Gračanica („Sl.glasnik Općine Gračanica“, broj: 5/04).

Sve primjedbe, prijedloge, dopune i sugestije se mogu dostaviti nadležnoj Službi za provođenje javne rasprave i Stručnoj službi Vijeća.

II

Zaključak stupa na snagu danom objavljivanja u „Službenom glasniku Grada Gračanica“.

Zaključak o razmatranju i usvajanju nacrta Odluke o načinu izvršavanja budžeta Grada Gračanica za 2020 godinu usvojen je sa 28 vijećnika „ZA“ i 1 vijećnik „SUZDRŽAN“.

TAČKA 4 RAZMATRANJE I USVAJANJE IZVJEŠTAJA O IZVRŠENJU BUDŽETA ZA PERIOD 01.01.-30.09.2019.GODINE.

Helić Nusret, Gradonačelnik:

Dozvolite mi da kažem nešto i o Izvršenju budžeta za 9 mjeseci ove godine, iako ste dobili obrazloženje uz dostavljeni materijal. Uz napomenu da se Izvršenje za 9 mjeseci, a inače tromjesečna izvršenja su obavezna da se razmotre na sjednicama Vijeća.

Ukupan budžet za 2019.godinu planiran je u iznosu od 16.938.038 KM.

Za 9 mjeseci Budžet je ostvaren u iznosu od 9.748.571 KM, a rashodi i izdaci 9.514.407 KM, dakle manji za 234.164 KM, što predstavlja i suficit za 9 mjeseci.

Ako tome dodamo i preneseni suficit iz ranijeg perioda od 2.152.242 KM, onda je ukupan finansijski efekat, odnosno suficit od 2.386.406 KM.

Ukupni prihodi i primitci su u odnosu na plan za 9 mjeseci manji za 23,26 %.

Najviše su ostvreni porezni prihodi 108,11 %, što je dobro jer i čine najveći procenat ukupnog Budžeta.

Manje su ostvareni neporezni prihodi oko 85 %, dok su najmanje ostvareni grantovi, svega 43,76 %.

O tome sam govorio i ranije. Nova Vlada poništila je odluke ranije Vlade, a nije donijela nove, zbog čega je i ostvarenje grantova manje.

Kako se koja vrsta prihoda ostvarivala, mogli ste vidjeti iz dostavljenog materijala i obrazloženja. Ovo oko granta za neke još ne postoji odluka i još nismo dobili sredstva pa i to je manje u ovom iznosu otvoreni grantova, dakle čekaju se pare odluke su donesene i čeka sr realizacija projekta.

Obzirom da su manje ostvareni prihodi, tako je i ostvarenje rashoda manje. Nekih posebnih devijacija nije bilo.

Tekući izdaci su ostvareni 84,81 % u odnosu na plan za 9 mjeseci.

Kapitalni izdaci ostvareni su 52,63 % u odnosu na planirane, što je nešto bolje u odnosu na 6 mjeseci. Kako se približavamo kraju godine izvršenje na kapitalnim izdacima je sve bolje.

Ponavljam, na ovakvo ostvarenje kapitalnih izdataka utiču i manje ostvareni grantovi, ali i sve veći problem sa izvođačima. Na realizaciju čeka desetak potpisanih ugovora. Drastičan primjer je firma iz Tuzle koja ne radi veliki započeti projekat vodosnabdijevanja Bijela Polja – Drafnići – Lohinja i pred stečajem je, tako da valja naći druga rješenja da bi se projekat završio.

U okviru tekućih grantova, plaće i naknade su ostvarene za 98,70 %, izdaci za materijalne troškove 80,31 %, tekući grantovi 91,60 %, izdaci za kamate i ostale naknade 77,55 % i tekuća rezerva 52 %.

Iako su neke stavke ostvarene u većem iznosu od planiranih za 9 mjeseci, nije bilo prekoračenja u odnosu na planirani Budžet za 12 mjeseci.

Evo ovdje na kraju imate podatke sve o ostvarivanju ovih prihoda i ponavljam za 10 mjeseci je sasvim drugačije ostvarenje i nadamo se da ćemo što se tiče svih ostalih stavki i kapitalne projekte ostvariti u planiranim veličinama. Ako ne svi koji ne budu ili procijenimo da neće biti realizovani prenose se u narednu godinu i oni se ne računaju normalno ostaju ovi iz nacrtu ili druge koje dogovorimo. Dakle, svi će se prenijeti jer će se ne realizovanjem tih projekata i eventualno nekim našim uštedama ostvariti višak tako da ćemo imati prostora za još neke kapitalne projekte koji će biti kroz raspravu izneseni kao prioriteti.

Sulejmanović Osman, u ime Komisije za budžet:

„Komisija je razmatrala Izvještaj o izvršenju budžeta 01.01.-30.09.2019.godine i Vijeću predlaže da isti usvoji.“

Šehić Edin:

„Evo jedna nesvakidašnja situacija, na pauzi me je zvao građanin iz Vranovića pa ću ja tako i prosljediti pitanje Gradonačelniku. Ovdje imamo u izvršenju budžeta dvije stavke za MZ Vranovići po pitanju vodosnabdijevanja na strani 11 do 14. Dakle u iznosu od 20.000 KM to su budžetska sredstva i ovi grantovi. Pa evo da se obrazloži jer čovjek kaže od 2012 godine uplaćeno je nekih sredstava od građana i od tada se ne rješava pitanje vodosnadbjevanja. Obzirom da je kolega Dino više puta ovdje iznosio da je problem, a vidimo evo da je i Lukavica i Vranovići i još ima sigurno MZ koji imaju problema sa vodosnadbjevanjem i ja ću iznijeti svoj stav da možda ipak razmišljamo o zaduženju Grada

Gračanica da riješimo vodosnabdjevanje jer je smiješno da u 21. vijeku nemamo vode kako kaže kolega iz Lukavice, da je 20 sati redukcija, nego pitanje sportske dvorane, malo razmislite o tome.“

Smajlović Vahidin:

„Klub SDP je razmatrao Izvještaj o izvršenju budžeta za prvih devet mjeseci u 2019 godini i evo mi ćemo podržati ovaj Izvještaj uz naravno ono što i mi tražimo i svi ovdje, a to je da se svi oni projekti koji su planirani u ovoj godini da se maksimalno založimo i da se završe ili ako ništa drugo da se pokrenu procedure gdje bih zaista mogli iduće godine da počnemo sa realizacijom tih projekata. Dobre su ovdje neke stvari, dakle vidimo velike rashode i vidimo da nije bilo velikih odstupanja ni po jednoj budžetskoj stavci i šta više manji su ti rashodi što je ipak pokazatelj dobrog rada. Pokazatelji dobrog planiranja budžeta za ovu godinu su upravo i ovi prihodi koje imamo od indirektnih poreza koji su ostvareni u iznosu preko 104 %, zatim ovi porezni prihodi koji su ostvareni u iznosu preko 108 %. Znači Klub SDP će podržati ovaj Izvještaj, a ovo bih sad volio radi kolege Šehića da se malo nadovežem na ovo pitanje vode i to je veliki problem to svi znamo i zaista treba poduzeti sve mjere i sve radnje u cilju rješavanja ovog pitanja. Voda je život i ona zaista treba da bude dostupna svim građanima Grada Gračanica ali kad spomene kolega Šehić mog kolegu Dinu da se on zalagao za pitanje da nema vode u Škahovici, ja mislim da nije dobro slušao jer ja sam na svakoj sjednici zaista izlazio i to pitanje implicirao i ako baš spominjete dobro bih bilo da kažeš kolege Dino i Vahidin, a ne samo Dino.“

Šehić Edin:

„Evo ja se želim izvinuti kolegi Vahidinu jer nisam pomenuo zaista. Znam da se najviše za Škahovicu iznosilo od Vahidina i potencirao sam da je Dino Dedić iznosio pitanja odnosno prijedlog da se Općina odnosno sad Grad kreditno zaduži za rješavanje vodosnabdjevanja na području Grada. To sam potencirao i nisam govorio općenito za Škahovicu tako da se nadam da prima ovo izvinjenje kolega Vahidin.“

Helić Nusret, Gradonačelnik:

„Ovo za Vranoviće dakle čekali smo ovo oko grantova pa smo bili blokirali grantove odlukama iz prošle godine, a sada su oni definitivno otkočeni ti grantovi iz prošle godine i raspisana je procedura za vodosnabdjevanje Vranovići. Ovo 20.000 KM što govorite, prije tri dana su oni dostavili Odluku vijeća MZ da sredstva planirana za vodosnabdjevanja u visini od 20.000 KM usmjere za izgradnju puta koji treba da se uradi ove godine. Da znate da ima i takvih Odluka gdje ljudi u tom momentu tako precijene iz kog razloga ne znam i sada je problematično dokle smijemo mi ići prije rebalansa budžeta, ali evo ima takvih gdje se ljudi opredijele. Mi ćemo se uvijek zadužiti za vodu kada imamo nešto opipljivo. Lukavica mi bi nju završili ali bušenja su pokazala da nema vode, ali evo sada smo dogovorili i obećano je da će višak vode ići prema Lukavici iz Doboj Istoka. Kada bude trebalo raditi ako su veliki izdaci za instalacije mi ćemo se zadužiti, imamo prostora. Dvoranu radimo, ja ću predložiti dvoranu da ne kažem mora, ne zbog ne znam nečega, nego tolike godine vara nas i Kanton i svi a učenici samo u Gračanici nemaju odgovarajuće uslove. Ima prostora za još nešto zaduženja ali o tome ćemo na sljedećoj sjednici. Dakle i voda za Škahovicu za izvjesno da nađemo vodu pomoći ćemo Škahovici većim sredstvima da izgrade infrastrukturu da stave u funkciju vodovod, kao što smo to radili za Babiće, Malešiće, Gornju Orahovicu, ali su imali određene količine koje je trebalo uvesti u sistem. Mi smo se spremni zadužiti za to ali evo da se vratimo unazad, nikome nije bio prioritet ni jednoj MZ voda u odnosu na puteve, a kada smo sve puteve završili eh onda je vodosnabdjevanje, a mada je bilo logično da bude drugačije. Uglavnom za Vranoviće je ovako, zaduženje može ići čim nađemo odgovarajuće podatke. Nešto se u Škahovici radi na bušenju i ako bude vode lahko je onda ući u to.“

Džebo Senahid:

„Neću postavljati nikakva pitanja i evo zahvalio bih se ja i službi i Gradonačelniku na obećanim obećanjima s obzirom da sam jučer još pročitao da su u javnim nabavkama prošla ona dva puta u Stjepan Polju. Isto tako bih se zahvalio i pojedincima ovdje vijećnicima koji su plasirali određene dezinformacije i s kojima su pokušali iznijeti nekakve laži o Gradskim vijećnicima pa ne znam ti ni ja od usvajanja nekakvih stavki u budžetu gdje su izbačeni ti putevi pa tako evo i javnost da zna jučer je prošla procedura koja je objavljena u javnim nabavkama i ja se zahvaljujem službi i Gradonačelniku.“

Puškar Hasan:

„Što se tiče Vranovića, evo zahtjeva da službe iz Gradske uprave Gračanica da ne kažem iz policije ili neko, da odu u MZ Vranoviće i da se vidi kada je održana ta sjednica vijeća MZ i koje je to nepostojeće Vijeće donijelo Odluku. Nadam se da me sluša neko iz Vranovića od ovih građana i da vide ko je taj što je preusmjerio sredstva od vodosnabdijevanja iz budžeta u puteve. Evo ja ovdje odgovorno tvrdim da Vijeće ne postoji, neko ima pečat MZ u torbi a vijeće MZ ne postoji dvije godine i više, znači ne postoji, vijećnici SDA ne dolaze i znači nema Vijeća. Ne dolaze zato što su ljudi napustili Vijeće, zato što su probali novi vijećnici da konstituišu Vijeće. Evo ja tražim da neko ode i nađe Odluku vijeća MZ Vranovići i ko su ti što su preusmjerili sredstva sa vodosnadbjevanja na put i dostavili u Gradsku službu. Ja 100 % tvrdim da to Vijeće nije zasjedalo ali tražim da se to provjeri. Druga stvar, najbolji primjer neplanskog, nerezonskog ulaganja u vodosnadbjevanja su Vranovići. Rađeni su cjevovodi, potisci, povrati, gdje su rađeni rezervoari na svim brdima neplanski i svuda smo napravili rezervoare i uložili smo možda pola miliona maraka a ljudi nemaju vode, zašto, zato što nije nigdje sekundarna mreža rađena. To su ta vijeća MZ i neko njih treba da kontroliraju jer ja znam tačno kako je rađeno i gdje je rađeno. Ne može Gradonačelnik znati ili neka služba šta se radi, mi ako dostavimo to, to nam treba. Sada se nadovezujem na ono, jedan projekat kada se krene pogotovo vodosnadbjevanje, ako se krene jedna zona raditi ili jedan dio njega treba završiti pa ići dalje raditi, a ne uradimo rezervoare, složimo betone i položimo cjevovode a ljudi i dalje nemaju vode a Općina je uložila u ovih deset godina ne znam ni ja stotine hiljada maraka od rezervoara do potista itd. vidio sam a vidim i očima i danas dan a ljudi i dalje nemaju vode. Znači baš što se tiče Vranovića trebao bih neko da ode malo a ako treba i veća sredstva jer tu imamo vodu i ako treba tu se zadužiti Gradonačelnik ili nekoga da ovlasti jer ima projekat i da se postupi po projektu ali da napokon krene to vodosnadbjevanje u Vranovićima. Što se tiče Vijeća baš bih volio da se provjeri jer me živo interesuje i 100 % znam da Vijeće nije donijelo tu Odluku.“

Hasić Ibrahim:

„Pošto ja imam prilično dosta informacija iz Vranovića i to dugo godina i složio bih se sa predhodnikom, možda i s njegovim a i s mojim predhodnikom da tamo druge stvari nisu uredu. U pravu je Hasan kolega potpuno da odavde službeno neka komisija ode i da sazove tamo postojećeg predsjednika Vijeća, da li je samozvani, legalni ili ilegalni ja u to ne bih ulazio i da se pozovu članovi koji su bili članovi tog Vijeća i da ta komisija koja bi bila u službenoj formi da napravi jednu procjenu i da izvrši. Ovo što kaže Hasan je tačno, tamo je uloženo puno para ali tamo nije niko znao voditi posao, nije niko znao upravljati. Oni su primarnu mrežu uradili, uradili su bazene a nisu uradili sekundarne mreže i oni vode imaju a vode nemaju. Džaba je tamo ulagati dok se ne bude znači kreće se, bazen je naravno primarna stvar pa dok ne bude sekundarne nemoj ba džaba puštati vodu u primarnu mrežu. Prema tome ja ponavljam treba službeno komisija neka da ode, da li će to neki šef službe ili bilo ko, ali zvaničnoj komisiji da obavijesti predsjednika aktuelnog i da sazove Vijeće i da se iznađe tamo modus i da se vidi šta je to.“

Zaključena je rasprava.

Razmatranje i usvajanje Izvještaja o izvršenju budžeta za period 01.01.-30.09.2019.godinu je jednoglasno usvojen.

TAČKA 5

DONOŠENJE RJEŠENJA O IMENOVANJU KOMISIJE ZA UTVRĐIVANJE PROMETNE VRIJEDNOSTI NEPOKRETNOSTI I PRAVA ZA PODRUČJE GRADA GRAČANICA.

Nije bilo učesnika u diskusiji i rješenje o imenovanju komisije za utvrđivanje prometne vrijednosti nepokretnosti i prava na području Grada Gračanica je jednoglasno usvojeno.

TAČKA 6

RAZMATRANJE I USVAJANJE IZVJEŠTAJA O REALIZACIJI AKCIONOG PLANA JAČANJA SOCIJALNE ZAŠTITE I INKLUZIJE DJECE I ODRASLIH U OPĆINI GRAČANICA ZA 2018.GODINU.

Alma Buljubašić, pomoćnik Gradonačelnika

„Pred vama je dokument Izvještaj i realizacija akcionog plana jačanja socijalne zaštite i inkluzije djece i odraslih u Gradu Gračanica za period 2017/18. godina i ja se neću previše osvrtni na ovaj Izvještaj s obzirom da ste ga svi imali priliku pročitati i analizirati. Sugerisano mi je da je u jednoj tabeli došlo do greške u računanju na strani 13, odnosno 14, tabela pregleda planiranih i ostvarenih sredstava za 2018 godinu.Ovdje ovaj procenat 99,38 % je greška, znači procenat izvršenja je 82,45 % i u ovoj tabeli na strani 15 je došlo do zamjene i zbirni pregled realizacije za period 2017/18., znači u 2018 godini je planirano budžetom 550.789 KM, a u 2017 godini je 586.000 KM i tu je procenat izvršenja 74,58 % i to je sve što sam ja imala da vam kažem vezano za ovo i u koliko budete imali nekih pitanja tu je i kolega Erhad tu sam i ja pa izvolite.“

Milikić Demir:

„Pa evo ovo je jedan zaista dobar Izvještaj i dobro je da je socijalna politika u fokusu Gradske uprave i možemo se pohvaliti da Grad Gračanica zaista dosta odvaja za socijalne kategorije te brine o svojim sugrađanima u stanju potrebe.U 2017/2018 godini utrošeno je 917.000 KM što je 81 % od planiranog i vidljiva je zaista dobra saradnja sa Centrom za socijalni rad, Doma zdravlja i ostalim institucijama.Ja sam prošle godine predlagao i bila je jedna stavka ne iskorištena od 5.000 KM za sufinansiranje troškova vode za najpotrebnije i ne znam jeli šta urađeno po tom pitanju.“

Aida Hodžić, pomoćnik Gradonačelnika:

„Što se tiče sufinansiranja troškova potrošene vode za korisnike koji su socijalno ugroženi to je projekat koji ide u okviru Meg projekta koji se radi i imaju obezbijedena sredstva i mi smo već obezbijedili spiskove usaglašavali između Centra za socijalni rad i korisnika koji su u listi J.P „Vodovod i kanalizacije“ i to ide i to je naša obaveza da

uradimo.Odluka koja će biti, biće Odluka Gradonačelnika koja će se to sredstva plaćati koja su već predviđena ugovorom između Grada Gračanica i JP „Vodovod i kanalizacije“.

Izvještaj o realizaciji akcionog plana jačanja socijalne zaštite i inkluzije djece i odraslih u Gradu Gračanica za 2018.godinu je jednoglasno usvojen.

TAČKA 7

RAZMATRANJE INFORMACIJE O UPRAVLJANJU PARKING PROSTORA.

Učesnici u diskusiji:

Šehić Edin:

„Evo kao svaku Informaciju primićemo je ka znanju, ali mene interesuje obzirom da je ugovor istekao 16.02.2019 godine i šta s tim jer novi nije sklopljen.I imao bih ovdje obzirom da imamo predstavnika RVI u koliko bude potrebe da i oni obrazlože i neformalnim razgovorom sa njima i problem je održavanje parkomata.Dakle izvođač odnosno instalater parkomata je iz Rijeke iz druge države i imamo probleme i neki čak i ne rade duže vrijeme.Da li ikakva mogućnost postoji,da li se dogovaralo s obzirom da mi imamo u Gračanici jake firme, firme koje prave računare a da ne mogu održavati parkomate.Postoji li mogućnost ili to garantira rok sprečava da ne može neko drugi ili da li se može napraviti nekakav dogovor da neka firma koja je u mogućnosti da vrši takve popravke i da bude ovlaštena eventualno od tog investitora ili od dobavljača za parkomate,čisto da ti parkomati koji ne rade da budu osposobljeni, a druga stvar da imamo brzu intervenciju ukoliko bude kvarova u nekom narednom periodu.Nadam se u koliko bude i ne znam sad ko će izlaziti za govornicu, da li postoje naznake da ćemo mi uskoro neku novu Odluku o parking mjestima imati na dnevnom redu, jer mislim da ima još par mjesta u užem jezgru Grada koja mogu se proglasiti parkinzima i gdje se mogu naplaćivati parkinzi.“

Smajlović Vahidin:

„Klub SDP razmatrao je ovu Informaciju o parking prostorima i evo uzećemo je k znanju. Imamo jedno pitanje vezano za ugovor između „ORVI- Comerca“ i Grada Gračanica koji je istekao a ono što je evidentno iz ovog Izvještaja je da su vidni pomaci u Gradu o preduzeću ORVI-Comerc vezano za parking prostore.Znači imamo pozitivne pomake od jednog uvođenja reda, od boljeg zadavanja ove horizontalna signalizacija,znači imamo bolje organizacije.Iz Izvještaja vidimo da manji broj i ovih blokirani vozila i znači manji broj ovih nelegalnih parkinga, a naravno to je doprinijelo i rad komunalne inspekcije.Naravno da imaju problema u radu, evo problem u radu koji navode tamo je kratko vrijeme mada ja mislim da smo mi donijeli Odluku o vremenu rada naplate parkinga i da se u tom vremenu treba zaista maksimalno iskoristiti svako parking mjesto, a da je to činjenica pokazuje evo i podatak ako smo malo pratili imamo ukupno 279 parking mjesta i sada ovdje ukupan prihod za ovu godinu je bio 176.000 KM čini mi se i ako to podijelimo sa brojem tih parking mjesta dolazimo do podatka da je u prosjeku svakog dana tog parking mjesta donese dobit u prihodu od 2 KM. Objektivno ima tu prostora da se još malo boljim radom i pojačanim aktivnostima i pojačanom kontrolom da se poveća taj prihod ali evo i ovom stanju imamo da je pozitivno preduzeće poslovalo i ostvarena je dobit od nekih 5.700 KM čini mi se i to je dobro i evo vrši se redovno servisiranje prema Gradu Gračanica za 1000 KM upotrebu ovih parking automata a evo plaća se i naknada uposlenicima znači idu redovno plate kao i 1.000KM što se plaća ovim demobilisanim borcima. Znači imamo pozitivni pomaka i treba samo nastaviti na tome i u planu tamo i ja sam bio sagovornik toga da se ovaj ovdje parking kod BKC-a da se asfaltira ali evo vidimo tamo da ovaj idejni projekat kružnog toka kod BKC-a i ja sam gledao i vidim

da bih tamo ova trasa trebala da ide upravo preko tog parkinga i da ne počnemo a nećemo vjerovatno ni početi ali evo plan je bio da se asfaltira al mislim da to neće biti potrebno.U svakom slučaju da čestitam na dobrom radu i zaista uveden je jedan red i liči to iz godine u godinu na bolje ali objektivno ja mislim, a vjerujem da se i vi slažete da može to i bolje pogotovo kažem da povećamo ovaj ukupan prihod obzirom na broj parkinga koje imamo.“

Arnaut Asim, pomoćnik Gradonačelnika:

„Bilo je pitanje da li može neko drugi servisirati ove parkomate, meni nije poznato da ima neko, jedino ta firma iz Rijeke i oni to od početka rade i preko njih je to išlo u uvoz i tako da oni samo to odrađuju.“

Informacije o upravljanju parking prostora primljena je k znanju.

Sjednica je završena u 13,50 sati.

ZAPISNIK VODIO
Iljazović Hazim

PREDSJEDAVAJUĆI
GRADSKOG VIJEĆA
Nihad Krajinović